

KU HLAWURIWA KA MUTEKIWA



I vanyingi vanhu lava va vabyaka. A ndzi nge swikoti ku va fikelela hinkwavo ka vona xikan'we. Kambe, yingiselani.

² Hakunene ndzi tsakile ku tlhela ndzi vuya nakambe lahawani, madyambu lawa, eka odithoriyamu leyi yo saseka, ku nga na ntlawa lowu wa vanhu vo saseka. Kutani a hi ri eku ngheneni, ehandle lahaya, eka xinkadyana xintsongo lexi xi hundzeke, vanhu lava va nga yima exitarateni va teri a va nge ngheni. Kutani ndzi teri, “Kunene, kumbexani ndzi nga mi kumela ndhawu.” Kutani va ngaka va nga va pfumeleli va nghena. Swingaleswi ndzi khomeleni hi hava ndhawu leyi yi eneleke ya vona. Vateri kamara ra laha ehansi ri tele, na rona. Swingaleswi hi khomeleni ha swona. Kambe hi tsakile kuva lahawani, nikuva hi tsakile ku vona ntlawa hinkwavo lowu wa kahle wa tiministara, van'wamabindzu lahawani, na n'wina hinkwerhu va rhumiwa lava va humaka eka swiphemu swo hambana swo tiko.

³ Ndzi vile ni nkateko wa kahle wo vulavula mixo lowu eku fihluleni, laha hakunene ndzi nga kufumela loko ndzi tava ndzi xiximiwile leswaku ndzi vulavula emahlweni ka vanhu va kahle. A ndzi ri eka dyondzo leyi nge: *Xikhamba Xi Ngaka Xi Nga Dyi Ndzhaka Na Koroni*. A ndzi kalanga ndzi heta. Nakona a ku nga ri hi xivangelo xa—xa makwerhu. U ringetile ku kuma vafambisi leswaku va hi tshika nyana swintsongo, kambe u tsandzekile ku swi endla. Hakunene ndza swi amukela sweswo, Makwerhu Demos. Sweswo swi kahle, swi kahle swinene. Hakunene ndzi khensa tintswalo ta wena, un'wana na un'wana. Kambe ntsena a va hi pfumelelanga leswaku hi swi endla. Swingaleswi hi vuye hi—hi vuye hi pfala. Ndzi ta tlhela ndzi swi teka sweswo, nkarhi wun'wana, ku swi hetisisa sweswo: *Xikhamba Xi Ngaka Xi Nga Dyi Ndzhaka Na Koroni*. Mi kale mi switwisisa, n'wina lava a mi ri kona? [Nhlengeletano yi ku, “Amen.”—Muhleri.] Ndzi tshembha leswaku a kuri ni leswi ringanelaka leswi nga twisisekaka.

⁴ Sweswi, ndza switiva, madyambu lawa, ku na phanele, nakambe, swingaleswi a ndzi swi lavi ku mi tshamisa lahawani nkarhi wo leha hikuva mi nga ta hundza hi sweswo. Hikuva, ndzi endla nchumu lowu hakunene wu tiyisaka eka—eka vanhu va vapfumeri va Mapentekosta, phanele leyi hi nga yi vona madyambu yan'wana. Tani hi ntlawa wa kahle wa vavanuna, tani hi tinhlamulo to saseka, to lulama. Swi ndzi endle ndzi titwa kahle hakunene, ku vona sweswo. Ndzi tshembha leswaku Hosi yi ta yi katekisa,

madyambu lawa. Nakona hambu mani na mani loyi a nga langutaka, leswaku va nga ha pfumela. Xexo xi tava xi ri xikhongelo xa mina xo tshembheka.

⁵ Kutani swiviko swotala swa nghena, namuntlha, kusukela eka mapapila ni hi tiqingho, swa leswaku swivumbiwa swotala swa hanyisiwa eka nhlengeletano leyi. Ndzi tsake ngopfu ha sweswo. Leswaku, sweswo, ku vona vanhu loko va vabya, wolowo i muxaka wa ministri ya mina.

⁶ Ndzi—ndzi tile haleno ku ta chumayela. Mina, ma swi tiva, a ndzi muchumayeri. Kambe mina, ha leswi, vuvulavuri bya mina byale Kentucky, “yena, a nga tano” ni—ni hinkwawo marito lawa, swingaleswi a ndzi—ndzi nge ya vuli ku kotisa lava hi va vulaka vachumayeri va namuntlha. A ndzi—ndzi nge swikoti ku teka ndhawu yaleyo, hikuva a ndzi—ndzi dyondzanga.

⁷ Kambe ndzi tsakela kuvula leswi ndzi switivaka ndzi Ri tivisaka xiswona, eka van’wana, kumbe hilaha ndzi Ri twisaka xiswona, eka van’wana, hilaha ndzi nga Ri dyondza hakona, hilaha A nga xiswona eka mina. Hi Yena vutomi bya mina hinkwabyo, hinkwaswo leswi ndzi nga tshama ndzi swi langutela ku va xiswona, ni swo tlula leswi ndzi nga tshama ndzi swi ehleketa, laha ndzi nga tshama ndzi va ni munghana, hi ku tika, emisaveni, loko ndza ha ri xijahetani. Kambe hakunene ndzi khensa swinene vanghana va kahle namuntlha.

⁸ [Makwerhu a ku, “Ku ni khombo nyana ro yingisela endzhaku lahaya, Makwerhu Branham. Tshunela nyana.”—Muhleri.] Oho, ndzi khomeleni. Ndzi—ndzi ni maendlelo ya ku lahlekeriwela hi fokhasi lahawani, kun’wana, a vula tano.

⁹ Sweswi, kuva hi kongoma eka xikhongelo, a hi pfuleni Matsalwa hi hlaya. Ndzi—ndzi tsakela ku tshama ni ri karhi ni hlaya Bibebe, hikuva hi Yona Rito ra Xikwembu. Ndzi pfumela sweswo. Nakona ndzi pfumela leswaku hi Rona Rito ra Xikwembu leri nga hlulekiki. Kutani sweswi ndzi ni Matsalwa ya ntsongo ndzi nga ya tsala ehansi lahawani, ni tinotsi tin’wana laha ndzi nga ta kongomisa kona, ku ringana xinkadyana, kumbexani ku ringana makume mune-ntlhanu wa timinetse.

¹⁰ Kutani hi ta hatla hi huma hi nkarhi hi ta kota ku vona phanele leyi ya kahle nakambe madyambu lawa. Nakona ndza tshembha leswaku Xikwembu xi taya emahlweni xi mi katekisa kuya emahlweni. Nakona ndzi tiva leswi mi faneleke ku swi endla. Kutani ndzi fanele ku chayela ndzi ya eTucson, hambu swi ri tano, vusiku lebyi, wa vona, swingaleswi mi nga ha swivona. Kwalaho i ku chayela ka khume ra tiawara.

¹¹ Kutani ndza famba ndzi ya endzhandzheni wa malwandle, nakona ndzi kumekile ndzi xotela hi nyongwa loko ndzi ta kambiriwa ni mixo eka mfumo. Swingaleswi

a ndzi—ndzi fanele kuya kwalahaya. Ndzi vuye ndzi tlherisela siku endzhaku, siku rin'wana, kutani a ve nge he teki nchumu “nchumu” xa nhlamulo nakambe sweswi. Kutani ndza ha ri na tetanasi na tayifasi ku swi teka, ni swipfuneto swa mina.

¹² Swingaleswi, ndzi khensa nkateko lowu, ni—ni nhlengeletano leyi ya kahle yi nga rhangela khonivhexini. Minkarhi yin'wana yi rhurhumerisa mbilu ya mina. Mintlawwa wa kahle wa vanhu. Ndzi tshembha leswaku Xikwembu xi ta mi katekisa.

¹³ Loko awara ya kahle leyi nga tshama... Nchumu walowo wo chavisa lowukulu wu pavalaleke lahaya, lowu wu nga rhetemukela eAlaska, masiku yo hlava lawa ya nga hundza, wu tlhele wu hoxa ncila wa wona nakambe mixo lowu, hinkwako, ku ehlela ehansi ku rhendzeleka hi Washington. A nga ha kongoma ndlela leyi, hi ntamu lowu olovaka. Kutani loko Moya wo Kwetsima wu tshame wu ndzi byela hakunene...

¹⁴ Un'wana u hlamurile... a ndzi vutisa hi sweswo, “Swi ta humelela ni lahawani, Makwerhu Branham?” Ee, a ndzi switivi sweswo. Ntsena a ndzi switivi, ku kondza ndzi switiva. Walowo i ntiyiso.

¹⁵ Minkarhi hinkwayo ndzi lava ku tshembheka eka n'wina. Ntsena a ndzi nge ti byarhisi, ku teka mianakanyo yin'wana, kumbe swin'wana, leswi ndzi swi pfumelaka, kumbe swin'wana swo kotisa sweswo. Loko ndzi mi byela, swi tava tano. Kunene, U fanele a ndzi byela, kusungula, kutani mina ndzi ta mi byela. Ndza—ndza switiva leswaku misava hinkwayo yi le ka xiyimo lexi xi ninginikaka. Hi le nkarhini wa makumu. Kambe nchumu wun'we lowu ndzi wu ringeta kuva wona...

¹⁶ Makwerhu Shakarian a ri eku vuleni mixo lowu, hilaha a toloveleke hakona kuya eka tilayini ta swikhongelo, ni ku fika kwalahaya a fika a teka makhadi lawa vanhu va nge si ta, kutani a ma languta, a vona loko—loko ndzi va byerile leswi va nga swi tsala eka wona. Va tsala muxaka hinkwawo wa swilo swa vona eka makhadi ya xikhongelo, ma swi tiva, nakona ntsena a lava ku vona ntsena loko ku ri swona. U teri, eka dzana ra lawa a nga makamba, a ku pfumaleka ni rin'we ro hoxeka. [Makwerhu Shakarian a ku, “Ku hava na xin'we xo hoxeka.”—Muhleri.] A ku nge pfuki kuve ni xin'we xo hoxeka, wa vona, hikuva, ntsena—ntsenaloko kahari Xikwembu. Loko ndzi tshame ndzi tikombisa eka swona, kutani swi hoxekile kwalahaya ku sungula hi swona.

¹⁷ Xinhwenyetana lexi tata wa xona a nga tshama, lexi xi nga eku ndzi yingiseleni sweswi, xi tile eka mina, ku nga ri khale ngopfu. A ri ni norho. U teri, “Makwerhu Branham, xana norho lowu wu vula yini xana?”

18 Ndzi ku, “A ndzi switivi, sesi. Ndzi ta fanela ku wu lavisisa, loko Hosi yi nga ndzi byela.” Swingaleswi ndzi yile emahlweni ku ya vutisa Hosi, nakona a Yi kalanga yi ndzi byela nchumu.

19 Xinhwenyetana xi tlhela xi vuya nakambe. Xi ku, “Kunene, yi kwihi nhlamulo ya nhlamuselo wa norho wa mina?”

20 Ndzi ku, “Tana haleno, murhandziwa, tshama ehansi.” Ndzi ku, “Tatana wa wena na manana wa wena i vanghana va mina va kahle. Wa vona? Nakona va ta va huma hile Canada, va hume phexeni, va ta tshama lahawani na mina. Va swi pfumela leswi, leswi ndzi ringetaka ku swivula. Nakona a ndzi se tshama ndzi vula swin’wana swo hoxeka eka un’wana, hi ku swi rhandza, evuton’wini bya mina. Loko mina...Ndzi pfumela leswaku ndzi tiva leswi norho wu swi vulaka. Kambe kufikela laha ndzi vonaka norho walowo hi vumina, nakona A ndzi byela leswi swi wu vulaka, ndzi ngaka ndzi nga mi byeli. Wa vona, loko ntsena ndzi nga makelela swin’wana, ku tava ni nkarhi lowu mi nga ta ndzi lava wa le xikarhini ka rifu na vutomi, swingaleswi a mi nge switivi leswaku hambu mi nga ndzi pfumela kumbe mi nga ndzi pfumeli.”

21 Loko ndzi mi byela swin’wana hi Vito ra Hosi, hi ntiyiso swi tano. Sweswo hi Yena a nga ndzi byela swona. Ni kuya emahlweni, eka malembe lawa hinkwawo, eka misava hinkwayo, ni ku rhendzeleka hi misava, a Swi se tshama swi hoxeka na kan’we. Hikuva...Kutani, sweswi, ma swi tiva leswaku xivumbiwa xa ximunhu xi ngaka xi nga hluleki. Swi teka Moya wa Xikwembu ku swi endla sweswo.

22 Kutani sweswo ndzi ni Hungu leri ndzi nga na vutihlamuleri ha rona. Kutani minkarhi yo tala ndzi tekeriwa enhlokweni, exikarhini ka vanhu, kunene, kumbexani un’wana loyi ntsena o ka a nga tshamanga ehansi a ehleketa nyana xinkadyana, laha a ndzi ri—ri, oho, munhu loyi a chavisaka, a ndzi va rhandzi vanhu, nakona minkarhi hinkwayo ndzi tshamela ro vatsemelela. Kutani sweswo a hi ntiyiso. Sweswo a hi ntiyiso. Ndzi rhandza vanhu. Kambe, ma swi tiva, rirhandzu ra lulamisa.

23 Loko xijahetani xa n’wina a xi tshamile lahaya exitarateni, kutani mi ku, “Junior, murhandziwa, a ndzi ku lavi kwalaho, kambe...” Kutani timovha ti hundza ti pfuma ekusuhi na yena, kutani mi n’wi nghenisa endzeni. A tlhelela endzhaku nakambe. Hikokwalaho ka yini, u fanele u n’wi lulamisa. Loko u n’wi rhandza, u ta swi endla. Mi fanerile.

24 Loko mi vona munhu a papamela ehansi enambyeni, ku tshinelela laha ku phumavaka, hi xibyatswani nyana, u ri karhi u switiva leswaku byatso byebyo byi ya eku mbombomeleni loko a fika a ba laha ku phumavaka, a wu nge vuli i ku, “John, wena, kumbexani u fanele ku ehleketa nyana, kumbexani swi nga endleka u nga swi endli?” Loko ndzi

switiva leswaku a nge swikoti, ndzi taya ndzi ya n'wi haka a huma ebyatsweni, loko ndzi nga swikota, hikuva i rirhandzu leri ri swi endleka sweswo.

²⁵ Kutani sweswi, eka Mahungu lawa ndzi ya vulaka, a ndzi le ku ringeteni ka ku ngehenisa dyondzo yin'wana, kumbe kuya emahlweni. Ndzi—ndzi endla sweswo eka kereke leyi yi nga ya mina. Kambe ehandle lahawani exikarhini ka vavanuna ni vavasati lava va nga va tidinominexeni to hambana ni miehleketo leyi yi hambaneke, ntsena ndzi ringeta ku teka miehleketo leyi yi nga hi xivumbeko xo kufumela, ku hlamusela; kambe ku ringanela kufika laha mi nga tswariwa hi Moya wa Xikwembu, ndza pfumela leswaku mi ta swi twisisa leswi ndzi swivulaka, exikarhi ka vavanuna va Vakreste, Methodist, Baptist, Presbyterian, ni tin'wana to tala.

²⁶ Sweswi, madyambu lawa, ndzi lava ku pfula eka Genesa, ndzimana ya vu24. Ndzi lava ku hlaya ku... sungula hi vhese ya vu12 ya ndzimana ya vu24 ya Genesa.

Kutani a ku, O Hosi Xikwembu...xa n'wini wa nga Abraham, ndza ku khongela, ndzi hlanganise namuntlha ni loyi ndzi n'wi lavaka, u endla hi tintswalo eka n'wini wa mina Abraham.

Waswivo, ndzi ta yima kusuhi ni xihlovo xa mati; enkarhini lowu vanhwana va vanhu va muti va humaka ha wona eku ya ku keni ka mati:

Kutani a swi humeleri, leswaku nhwanyana loyi ndzi nga ta ku ka yena, Wa nga korhamisa ekhuwana ra wena, ndza ku kombela, ndzi nwa; yena a ku ka mina, Nwana, ndzi ta nwiswa ni tikamela ta wena: a ve yena yaloyi u nga hlawulela nandza wa wena Isak; hi kona ndzi nga ta vonisisa leswaku u endla hi tintswalo eka...n'wini wa mina.

²⁷ Kutani eka Buku ya Nhlahutelo. Kwalaho hi le masunguleni ya Biblele, Genesa. Sweswi, emakun'wini ya Biblele, ndzi lava ku hlaya eka ndzimana ya vu21 ya Nhlahutelo, eka vhese ya vu9.

²⁸ Ha switiva hilaha Matsalwa lawa ya Genesa lahawani...Mi hlaya ndzimana hinkwayo, loko mi swi tsakela. Hilaha Xikwembu xi rhumaka Elieza. Kumbe, Abraham a rhumaka Elieza, ndzi khomeleni, ku ya hlawulela Isak hlomisa. Kutani Rebeka wo xonga a humelela, nakona hi nhlamulo leyi yi hetisekeke ya xikhongelo lexi—lexi Elieza, nandza wa Abraham, a nga xikhongela.

Sweswi eka vhese ya vu9 ya ndzimana ya vu21 ya Nhlahutelo.

Kutani ntsumi yin'wana ya le ta ntlhanu na timbirhi leti tameleke swimbitana swa ntlhanu na swimbirhi

leswi teleke makhombo ya ntlhanu na mambirhi ya ku hetelela, yi ta yi vulavula na mina, yi ku, Tana, ndzi ta ku kombisa mutekiwa, la nga nsati wa Xinyimpfana.

²⁹ Sweswi ndzi lava ku teka dyondzo, emadyambyini lawa, ya leswaku: *Ku Hlawuriwa Ka Mutekiwa*. Kutani leswi i ku, loko makwerhu loyi a nga eku kandziyiseni lahawani a nga swikota, leyi i thepi leyi u nga taya na yona emahlweni u yi humesa.

³⁰ Sweswi, eka leswi, a swivuli leswaku ndzi vulavula ni nhlengeletano leyi yi nga lahawani sweswi, kambe tithepi leti ti ta famba ti rhendzeleka ni misava. Va ti hundzuluxa, hi kuva swi endleka, oho, ku tirhisana loku ka kahle ka tindzimi, hambu kuri kuya fika ematikweni ya vahedeni ku rhendzeleka hi misava. Hi va rhumela tithepi, mahala, eka nhlengeletano ya kereke. Kutani va ti hundzuluxa. Ni ku fika hinkwako emakhwatini ya Afrika, ni kuya eIndia, niku rhendzeleka hi misava, kuya tithepi leti.

Sweswi, ku hlawula Mutekiwa!

³¹ Eka swilo swo tala swa vutomi hi nyikiwe ku hlawula. Ndlela ya vutomi, yona hi yoxe, i ku hlawula. Hi ni nfanelo yo endla hi ndlela ya hina, ku hlawula ndlela leyi yi nga ya hina leyi hi lavaka ku hanya hi yona.

³² Dyondzo i ku hlawula. Hi nga ha hlawula loko hi lava ku dyondzeka, kumbe loko hi nga swi lavi ku dyondzeka. Kwalaho i ku hlawula loku hi nga na kona.

³³ Leswinene ni leswi swi nga riki leswinene i ku hlawula. Wanuna un'wana ni un'wana, wansati un'wana ni un'wana, jaha ni ntombhi, va fanele ku hlawula loko va ta ringeta ku hanya kahle kumbe va nga hanyi kahle. I ku hlawula.

Ku hlawula i nchumu wa kahle.

³⁴ Laha mi yaka kona laha ku nga Heriki i ku hlawula. Kutani kumbexani, madyambu lawa, van'wana va n'wina mi ta endla ku—ku hlawula kwaloko, laha mi nga ta tshama kona hilaha ku nga Heriki, xikhongelo lexi xi nga se fika emakumu madyambu lawa. Ku tava ni nkarhi wun'wana, lowu, loko mi tekela Xikwembu ehansi minkarhi yo tala, ku ta fika nkarhi wun'wana laha mi nga ta Xitekela ehansi ro hetelela. Ku ni ntila exikarhi ka tintswalo ni ku avanyisa. Nakona i nchumu wa khombo swinene eka wanuna kumbe wansati, jaha kumbe nhwana, ku tlhava goza u tsemekanya ntila walowo, hikuva ku hava ku tlhelela endzhaku loko u kala u tlhava goza u tsemekanya ntila walowo wa rifu. Swingaleswi, madyambu lawa, swi nga ha endleka kuri nkarhi laha votala va nga ta endla swiboho swa—swa vona, laha va nga ta tshama hilaha ku nga Heriki laha ku nga riki na ku hela.

³⁵ Ku ni ku hlawula kun'wana loku hi nga na kona evuton'wini, laha ku nga, munghana wa vutomi hinkwabyo.

Wanuna lontsongo kumbe wasati lontsongo, ku tlhava goza ra vutomi, mi—mi nyikiwile nfanelo yo hlawula. Wanuna lontsongo wa hlawula. Wansati lontsongo u na nfanelo yo amukela kumbe ku swi ala. Kambe swa hari ku hlawula, ha matlhelo ya ri yambirhi. Havumbirhi wanuna ni wansati, va ni nfanelo yo hlawula.

Nakambe, u na ku hlawula, tani hi Mukreste.

³⁶ U na ku hlawula ka kereke, kwala eAmerika, hi nga se ya ekule, leyi u nga yaka eka yona. Walowo i nkateko lowu wu nga wa wena wa xi Amerika, wo hlawula kereke leyi mi lavaka ku nghena kona. I ku hlawula kwaloko. A wu fanelanga u ya eka yin'wana ya vona, loko u nga swilavi. Kambe loko u lava ku ncina kusuka eka Methodist u ya eka Baptist, kumbe Khatholiki u ya eka Protestant, kumbe tin'wana, ku hava munhu loyi a nga ku byelaka kumbe a ku endla u ya eka kereke yin'wana. Walowo i—ntshuxeko wa hina. Sweswo hi leswi dimokrasi yi nga xiswona. Munhu un'wana ni un'wana a nga ta ti hlawulela yena hi yexe. Ntshuxeko wa vukhongereri, kutani walowo i—i nchumu wa kahle. Xikwembu a xi hi pfuni ku swi hlayisa tani hilaha hi nga ta kota hakona.

³⁷ Nakambe wa hari niku hlawula. Hambi...Loko u hlawula kereke leyi, u nga ha hlawula hambu wa, eka kereke ya leyi, hambu u ta hlawula kereke leyi yi nga ta ku fambisa ku ku yisa laha u yaka kona wena laha ku nga Heriki. U nga ha hlawula kereke leyi yi nga na mikhuva yin'wana, leyi u nga ha ehleketaka leswaku mikhuva yaleyo yo va ntsena leswi u swi lavaka. Kumbe, kereke yin'wana leyi yi nga ni mikhuva ya vona.

³⁸ Swingaleswi ku ni Rito ra Xikwembu, u ni ku hlawula eka swona. U fanele ku hlawula.

Ku ni nawu lowu wu nga tsariwangiki exikarhini ka hina, wo hlawula.

³⁹ Ndza pfumela leswaku a kuri Eliya, nkarhi wun'wana, ehenhla eNtshaveni ya Kamele, endzhaku ka ku kombisiwa, eka awara leyikulu ya swirilo leyi ntsena yi fikaka sweswi. Kumbexani, kumbexani yi nga hava ya n'wina na mina, madyambu lawa, leswaku hi va niku hlawula loku, ku kotisa ntokoto wa le Ntshaveni ya Kamele. Hakunene-nene, ndzi ehleketa leswaku swa ha ya emahlweni, misava hinkwayo, sweswi. Kambe ku nga ri khale ku tava ni nkarhi laha mi nga ta fanela ku hlawula.

⁴⁰ Na n'wina vavanuna mi nga lahawani, va tikereke ta n'wina ta tidinominexini, ntsena pfumelani leswi, leswaku awara yi le ka n'wina, loko ma ha ya eku tekeni ka xiboho xo hlawula. Swi nga ha endleka mi ya eka World Council, kumbe mi nga havi dinominexini nakambe. Mi ya fanela ku swi endla sweswo, kutani kuhlawula kwaloko ku le kuteni sweswi.

41 Nakona swi na khombo ngopfu ku rindzela ku kala ku fika awara yaleyo, nakambe, hikuva mi nga ha teka eka swin'wana leswi mi nga taka mi nga ha ninginiki eka swona. Ma swi tiva, ku ni nkarhi laha mi nga tshinyiwaka, kutani, loko mi tlhava goza mi tsemekanya ntila walowo wa xitshinyo, swingaleswi mi va mi marakiwile eka tlhelo lerin'wana, mi hisiwa.

42 Tsundzukani, loko lembe ra jubili ri fikile, kutani mu—mu muprista a famba ni nanga ya yena leyi yi pfumaka, leswaku hlonga rin'wana na rin'wana ri nga ha famba ri tshuxiwile. Kambe loko va ala ku amukela ntshuxeko wa vona, swingaleswi u ta fanela ku yisiwa etempeleni, emhandzini, kutani a boxiwa ndleve hi maboxe yo chavisa, kutani a tirhela n'wini wa yena nkarhi hinkwawo. A yi vekiwa endleveni ya yena tani hi xifaniso, xo yingisela. “Ripfumelo ri ta hi ku yingisela.” U yi twile nanga ya leyo, kambe a nga swi lavanga ku yi yingisela.

43 Kutani minkarhi yo tala, vavanuna ni vavasati va wu twa Ntiyiso wa Xikwembu, va tlhela va Wu vona wu kombisiwa niku khorwisa, Ntiyiso, kambe hambiswi ri tano a va swilavi ku Wu yingisela. Ku ni swivangelo swin'wana. Ku ni ku hlawula kun'wana loku va nga na kona, kutlula ku langutana ni Ntiyiso na mhaka, leswaku tindleve ta vona ti nga ha pfalekela Evhangelu. Va ngaka va nga ha Yi twi nakambe. Ku tsundzuxa ka mina eka n'wina, loko Xikwembu xi vulavula na mbilu ya n'wina, xikan'we-kan'we tekani goza.

44 Eliya u va nyikile ku hlawula loku a va fanele ku ku endla. “Hlawulani namuntlha loyi mi rhandzaka ku n'wi tirhela. Loko Xikwembu xi ri Xikwembu, Xi tirheleni. Kambe loko Baal a ri Xikwembu, n'wi tirheleni.”

45 Sweswi, tani hilaha hi swivonaka hinkwaswo swa ntumbuluko leswaku swi xifaniso swa swilo swa ximoya, tani hilaha hi nga ya emahlweni ni dyondzo ya hina mixo lowu, ku kotisa dyambu ni ntumbuluko wa rona. Yaleyo a yi ri Bibe le ya mina yo sungula. Loko ndzi nga se hlava na pheji na yin'we eBibeleni, ndzi tivile Xikwembu. Hikuva, Bibe le yi tsariwile hinkwako eka ntumbuluko, nakona ntsena wa hlangana na Rito ra Xikwembu: rifu rona ke, ku lahliwa, ku pfuka ka ntumbuluko nakambe; kutani dyambu rixa, ri va nhlikanhi, ri pela, ri fa, ri tlhela rixa nakambe. Ku ni swo tala ngopfu leswi hi nga swi fananisaka, Xikwembu xi le ka ntumbuluko, sweswo hi fanele ku swi tsemekanya, eka Hungu leri.

46 Sweswi, loko swa ximoya kumbe... Ntumbuluko wu ri xifaniso xa swa ximoya. Swingaleswi, ku hlawula mutekiwa, hi xintumbuluko, i xifaniso xo hlawula Mutekiwa, Mutekiwa, eximoyeni.

47 Sweswi, i nchumu wun'wana wa nkoka loko hi ya eku hlawuleni ka wansati, wanuna, xihlambanyo xa yena lahawani

i ku kukondza hi hambanyisa hi rifu. Sweswo hi leswi hi fanelaka ku swi hlayisa. Nakona mi endla xihlambanyo xexo emahlweni ka Xikwembu, laha ku nga tava rifu leri ri nga mi hambanyisaka ntsena. Ndzi pfumela leswaku hi fanele ku va tano. Wanuna loyi a nga na miehleketo leyinene, loyi a kunguhataka vutomi, leswaku a nga ha hlawula nsati hi vukheta swinene. Mi tivonela eka leswi mi swi endlaka. Ni wansati loko a hlawula nuna, kumbe loko a amukela ku hlawula ka nuna, u fanele a tivonela swinene eka leswi a swi endlaka, ngopfu-ngopfu eka masiku lawa. Wanuna u fanele ku ehleketa a tlhela a khongela a nge se hlawula nsati.

⁴⁸ Ndzi pfumela leswaku, namuntlha, lexi xi endlaka leswaku kuva ni milandzu yo tala yo thalana sweswi, i kuva hi rhangela misava hi yi yisa eAmerika, eka milandzu yo thalana. Hi rhangela misava hinkwayo. Ku ni ku thalana ko tala lahawani kutlula lomu kun'wana, eka rona tiko leri, laha a ri fanele ri ri, ni kuva ri ehleketiwa hikuva ri ri, tiko ra Xikreste. I swisololo swa njhani, khoto ya hina yo thalana! Ndzi pfumela, leswaku xivangelo xa kona, i kuva vavanuna va fambela ekule na Xikwembu, ni vavasati va fambela ekule na Xikwembu.

⁴⁹ Kutani hi kuma, leswaku, loko wanuna a khongela ni wansati a khongelela mhaka; ku ngari ku tilangutela sete ya mahlo yo saseka ntsena, kumbe makatla lamakulu yo tiyela, kumbe swin'wana swo kotisa sweswo, kumbe swin'wana swa rirhandzu ra le misaveni; kambe hi sungula hi ku languta Xikwembu, kutani hi ku, "Xikwembu, hi wona makungu ya Wena lawa xana?"

⁵⁰ Ndzi pfumela leswaku, namuntlha, ku ni ku xisetela ngopfu, ntsena tani hi le xikolweni. Loko—loko vana va fika, ni mixo, vana votala va makhelwani, lava—lava va nga vanghana va mina, va ta tshunela va ku, "Makwerhu Branham, u ta hi khongelela xana? Hi ni—ni xikambelwana namuntlha. Ndzi—ndzi tirhe vusiku hinkwabyo, nakona a swi tikombi leswaku ndzi nga—nga swi tshamisisa. Ndzi khongeleli." Ndzi pfumela leswaku n'wana un'wana na un'wana wa xikolo, loko a nga swikota, loko...Kutani vatswari etafuleni ra ni mixo, mi nga ha swikota. A ku, "Mhani, John u tsala xikambelwana namuntlha. A hi n'wi khongeleleni sweswi." Ndzi pfumela leswaku swi ta hlula hinkwaswo leswi u nga swi endlaka hi ndlela yin'wana na yin'wana, kumbe ku languta eka phepha ra un'wana niku xisetela. Ndzi pfumela leswaku loko ntsena u nga huma u khongelela mhaka.

⁵¹ Kutani loko hi nga dyondza leswi hi swi endlaka loko hi ya eku tekaneni, loko hi hlawula nsati wa hina, nuna wa hina, loko hi nga swi dyondza! Wanuna u fanele ku khongela kahle, hikuva u ta fuma vutomi bya yena hinkwabyo. Tsundzukani, xihlambanyo i ku "ku kondza hi hambanyisa hi rifu," nakona

a nga ha fuma vutomi bya yena hinkwabyo hikuva a nga hlawulanga kahle. Kambe loko a swi tiva leswaku, u le ku hlawuleni loku ku nga riki kahle nakona u le ku tekeni ka wansati loyi swo ka swi nga faneriki leswaku a va nsati wa yena, kambe a swi endla hi ndlela yin'wana, kutani i nandzu wa yena. Loko wansati a teka nuna kutani a ri karhi a switiva leswaku a nga ringanelanga ku va nuna eka yena, kutani walowo i nandzu wa wena, endzhaku kaloko u tiva leswi swi nga kahle ni leswi swi nga hoxeka. Swingaleswi, a wu fanelanga ku swi endla ku fikela laha u swi khongelalaka hi ku hetiseka.

⁵² Swa ha fana niku hlawula kereke. Sweswi, u fanele ku khongelela kereke leyi u khongelaka eka yona. Tsundzukani, tikereke ti rhwale mimoya.

⁵³ Sweswi, a ndzi lavi kuva musoli. Kambe ndzi swi tekela enhlokweni leswaku ndzi mukhalabya, nakona ndzi ta fanela ku famba lahawani, rin'wana ra masiku lawa. Ndzi ta fanela ku ya hlamula hi Siku ra ku Avanyisa hi leswi ndzi swi vulaka madyambu lawa kumbe eka nkarhi wun'wana. Kutani mina, swingaleswi, ndzi fanele kuva ni mafelo lawanene nikuva mubohiwa wa ntiyiso.

⁵⁴ Kambe, loko mi ya ekerekeni, ni loko mi lava ku vona mahanyelo ya kereke ya leyo, ntsena mo langutisa mufundhisi xinkadyana, kutani hakanyingi mi ta kuma leswaku kereke yi ni maendlelo yo kotisa mufundhisi. Nkarhi wun'wana, ndza hlamala loko hi nga wu kumi moya wa un'wana ematshan'wini ya Moya wo Kwetsima. Loko mi ya eka ndhawu yin'wana laha mufundhisi a nga na timintsu hakunene ni kuya emahlweni, mi ta kuma leswaku ni nhlengeletano yi hi ndlela ya leyo. Ndzi ta mi tisa eka kereke leyi ndzi vonaka mufundhisi a yima, a phekula tinhloko ta vona a ti yisa endzhaku nale mahlweni. Mi languta nhlengeletano, va endla swo fana. Mi teka mufundhisi, mi kuma a ri karhi a funyetela kunene swin'wana ni swin'wana, hi ntolovelo na kereke yi ta endla swo fana. Swingaleswi, loko a ndzi ri eku hlawuleni ka kereke, a ndzi ta hlawula leyi yi nga ya xiviri, ya ntiyiso, Evhangelileyi yi Hetisekeke, kereke ya Bibebe, a ndzi ri eku hlawuleni ka yin'wana leyi ndzi nga ta nghenisa ndyangu wa ka hina eka yona. Ku hlawula. Ndzi langutile. . .

⁵⁵ Vafana, siku rin'wana, jaha ra Makwerhu Shakarian ni jaha ra mukon'wana wa yena, va ndzi tekile va ndzi yisa ehenhla lahawani ku ya khongelela nakulorhi lontsongo, xiyimbeleri, jaha ra malwandla. Ntsena u vuyele endzhaku. . . Fred Barker, rero a kuri vito ra yena, ntsena a vuya erendzweni. Kutani va ndzi vitanile, leswaku, "Fred u le ku feni." Kutani swingaleswi, a ndza ha nghena endlwini, mahungu man'wana ma fika, "U tava a file sweswi." Kutani

u teri u ni—ni ngati leyi nga ebyongweni, nakona u omelerile, nakona—nakona a ri ekufeni, kutani nsati wa yena u ndzi lavile leswaku ndzi n’wi khongelela.

⁵⁶ Hiloko ndzi ehleketa, “Oho, loko ndzi nga ringeta ku haha, u tava a file loko ndzi sala ndzi ya fika kwalahaya, nakona swi nga ha endleka a file sweswi.” Swingaleswi, ndzi foyinile hi xihatla ni kuma manana lontsongo efoyinini. Kutani—kutani hi tekile foyini hi ya yi khweketa, endleveni ya Fred. A nga ha swikoti ni ku mita. A va ri eku n’wi nyikeni ka ku mita loku ku nga riki ka ntumbuluko. Kutani loko hi tava hi n’wi khongelerile, a ku, ku tshukunyuka, ku huma enkolweni wa yena. A nga ha swikota ku mita. Vadokodela a va swi pfumelanga sweswo. Va xi susile, kutani a kota ku mita. A tshamisile, siku rin’wana.

Kereke; ku hlawula kereke.

⁵⁷ Foyini yi ngenile, ku ngari khale ngopfu. Mixo lowu, xirho xa kereke ya mina, loyi a nga wansati wa Baptist hakunene wa le Louisville, u lovile mixo wa lowu. Kutani kereke ya mina ekaya, ntlawa wa xidzi wa vavanuna lava va katekeke, va hlengeletanile kun’we va ya, ku nga se fika lava va ti anda—theka va ta n’wi rhwala, va yimile eka yena, va khongela kukondza vutomi byi tlhelela endzhaku eka yena. Kutani wa hanya sweswi, madyambu lawa. Va kulukumba va kereke ya mina, hikokwalaho ka yini, va dyondzisiwile ku pfumela leswaku hinkwaswo swa koteka, va ta eka Xikwembu hi ku tshembheka.

Swingaleswi, mi fanele mi endla ku hlawula loku ku nga kahle.

⁵⁸ Nakambe, muxaka wa wansati loyi wanuna a nga n’wi hlawulaka, wu ta kombisa ku tsakela ka yena ni vumunhu bya yena. Loko wanuna a hlawula wansati wo hoxeka, swi kombisa vumunhu bya yena. Ni leswi a ti bohaka eka swona, swi kombisa ntiyiso lowu wu nga eka yena. Wansati u kombisa leswi swi nga eka wanuna loko a tava a n’wi hlawula kuva nsati wa yena. Swikombisa leswi swi nga eka yena wanuna. A swi na mhaka ni leswaku u vula yini ehandle, langutisa loyi a n’wi tekaka.

⁵⁹ Loko ndzi ya ehofisini ya wanuna, nakona u ri hi yena Mukreste; u damarhetile emakhumbhini hinkwawo, vunanga byebyo byi yaka emahlweni bya khale bya bogi-wogi. A ndzi na mhaka ni leswi a swi vulaka. A ndzi byi pfumeli vumbhoni bya yena, hikuva moya wa yena wu phameriwa hi swilo swa misava. Yini, u ri, loko a nga teka nhwana la sumaka, kumbe kunga humelela yini loko a nga teka hosikazi leyi dyisaka, kumbe ntsena wo saseka, rhiketa wa ximanguva lawa? Swa kombisa. Swi kombisa leswi a nga na swona emiehleketweni ya yena, swa kaya ra yena leswi ri nga tava

xiswona vutomi hinkwabyo bya yena, hikuva u n'wi tekile leswaku a ta n'wi kurisela vana. Nakona hambu u njhani, ya leyo hi yona ndlela leyi a nga ta kurisa vana lava ha yona. Swingaleswi, swi kombisa leswi swi nga eka wanuna. Wanuna loyi a tekaka wansati wo kotisa yaloye, swi kombisa leswi a swi ehleketaka hi vutomi.

⁶⁰ Mi nga ha swianakanya loko Mukreste a endla swilo swo kotisa sweswo? Ee, nkulukumba. Ndzi ngaka ndzi nga swikoti. Mukreste wa ntiyiso a nge langutisi ku saseka kwaloko ka tihosikazi, ni vanhwanyana lavo suma, ni tihosikazi leti ta vuqangul. U ta langutisa vukreste bya Xikreste.

⁶¹ Sweswi, a wu nge swikoti kuva na swilo hinkwaswo. Ku nga hava kuri ni ntombhi yin'we leyi yi nga xonga hakunene. Kutani leyin'wana ntombhi, kumbexani u ni. . . xivumbeko xa yena xi languteka ku antswa kutlula lavan'wana. Kutani u nga hava ni ntwele vusiwana eka un'we u endlela lon'wana, kambe, loko a nga ri na xivumbeko xa vumanana, xa wansati. Nakona, wansati, a ndzi na mhaka ni leswaku u sasekile kumbe a nga sasekanga. Swa antswa u ti langutela vumunhu bya yena, hambu u sasekile kumbe a nga sasekanga.

⁶² Sweswi, swingaleswi, swa fanekela, loko Mukreste a nga ha hlawula nsati, u fanele ku hlawula wa xiviri, wansati loyi a nga tswariwa ra vumbirhi, swi nga ri na mhaka leswaku u langutekisa ku yini. Hi leswi a nga xiswona, leswi swi n'wi endlaka. Kutani swingaleswi, nakambe, sweswo swi kombisa vumunhu bya vukhongerile byi a nga na byona bya yena n'winyi, i vi swikombisa ni leswi swi nga emiehleketweni ya yena leswi swi nga tava xiswona evuton'wini, hikuva ndyangu lowu wu ta kurisiwa hi wansati wo kotisa ya loye, eka makungu ya vutomi bya muti wa yena.

⁶³ Loko a nga teka un'wana wa va rhiketa lava ntsongo va ximanguva lawa, vahosikazi va vugangu, xana a nga langutela yini xana? Wu tava wu ri muti wa njhani lowu wanuna a nga wu langutelaka kuva na wona xana? Loko a teka nhwenyana loyi o ka a nga riki na vumunhu lebyi byi ringanelaka eka yena byo tshama ekaya niku hlayisa muti, kutani a lava kuya tirha ehofisini ya un'wana, xana a ngava a ri muhlayisi wa njhani wa ndyangu? U tava ni lava va nga ta sala na vana ni swin'wana. I ntiyiso.

⁶⁴ Sweswi, a ndzi kona ngopfu eka ku ringa loku ka ximanguva lawa, ka ku tirha ka vavasati. Loko ndzi vona vavasati lava va ambale tiyunifomo, va ri karhi va rhendzeleka ni doroba leri, hi swithuthuthu, tani hi maphorisa, swi khomisa tingana eka doroba rin'wana na rin'wana leri ri nga ta pfumelela wansati ku endla sweswo. Wa vona? Wa vona? Kukotisa vavanuna votala lava va pfumalaka mintirho, swikombisa ku ehleketaka ka ximanguva lawa ka doroba ra

hina. Ri kombisa ku onha. A hi fanelanga hi va na vavasati va vona ehandle lahaya ku kotisa sweswo. Va hava lexi va nga xi endlaka ehandle lahaya ku kotisa sweswo.

⁶⁵ Loko Xikwembu xi nyika wanuna nsati, Xi n'wi nyika xo antswa swinene eka lexi Xi nga n'wi nyikaka, ehandle ka ku ponisiwa. Kambe loko un'wana a ya ringeta ku teka ndhawu ya wanuna, kutani u va wansati loyi a nga nchumu lowu wu nyanyeke lowu wanuna a nga khomelelaka eka wona. Sweswi, sweswo hi swona. Wa vona?

Sweswi hi nga ha xivona xikombelo xa ximoya.

⁶⁶ Ndza—ndza switiva leswaku sweswo a swi kahle, mi ehleketa leswaku swi bihile, kambe i Ntiyiso. A hi na mhaka ni leswaku swi bihile ku fika kwihi, hi fanele ku kongomana ni mhaka. Sweswo hi leswi Bibeke yi swi dyondzisaka. Wa vona?

⁶⁷ Sweswi, lahawani hi ya vona kahle makungu ya vutomi, ya Xikwembu ya ku kunguhata Kaya ra Xona ra vutomi na Mutekiwa wa Xona wa vutomi hinkwabyo, swi ta eku vonakaleni sweswi.

⁶⁸ Loko wanuna a teka hosikazi wa vuqangu, ma swi vona leswi a langutelaka swona evuton'wini. Loko wanuna a teka wansati loyi a nga taka a nga tshami ekaya, ma swi vona leswi a swi languteleke evuton'wini. Nakona nkarhi wun'wana ndzi . . .

⁶⁹ Leswi swi twakala swi chavisa. Ntsena ndza titwa leswaku ndzi nga swivula. Kutani mina—mina, hi ntolovelo, loko ndzi titwa ndzi lava kuvula nchumu, ndza fanela ku wu vula. Nakona hi ntolovelo i ndlela ya Xikwembu.

⁷⁰ A—a ndzi toloverile ku famba na rhencasi loyi a ndzi tirha na yena, ku ya xava tihomu. Kutani ndzi tekerile enhlokweni nakulorhi wa khale loyi minkarhi hinkwayo a tshamela ro langutisa exikandzeni xa thokazi yi nga se ya eku xavisiweni. Kutani u yi jikisile nhloko ya yona, yi languta endzhaku nale mahlweni. Ndzi n'wi landzelerile, ndzi ri karhi ndzi n'wi languta. Hiloko a yi languta ehenhla nale hansu, loko yi languteka yi ri kahle, hi xivumbeko. Kutani a hundzuluka a yi languta exikandzeni, kutani nkarhi wun'wana a ta ala hi nhloko a suka a famba.

Ndzi ku, “Jeff, ndzi lava ku ku vutisa swin'wana.”

A ku, “Vutisa, Bill.”

⁷¹ Kutani ndzi ku, “Hikokwalaho ka yini u tshamela ro langutisa homu ya leyo exikandzeni xana?” Ndzi ku, “Yi languteka yi ri kahle, homu ya kahle—kahle leyi yi tikaka.”

⁷² A ku, “Ndzi lava ku ku byela, jaha, u na swo tala leswi u fanelaka ku swi dyondza.” Kutani ndzi—ndzi swi tekerile enhlokweni endzhaku kaloko a tava a ndzi byerile. A ku, “A ndzi na mhaka ni leswaku yi endlawe hi yini. Yi nga hava yi ri

ya bivhi, yi pimiwa ku ya fika eka swinondzwana. Kambe loko yi ri niku honolela kwaloko ka vuharhi exikandzeni xa yona, u nga yi xavi.”

Ni ku, “Hikokwalaho ka yini hi ndlela leyi, Jeff?”

⁷³ “Kunene,” a ku, “nchumu wo sungula i ku,” a ku, “a yi nge he tiki.” Kutani a ku, “Lexi xi landzelaka i ku, a yi nge he pfuki yi vile muan’wisi eka rhole ra yona.” Kutani a ku, “Va yi hoxa eximanweni sweswi, xivangelo i xa kuva yi nyuherile. Loko u nga yi chucha, niku swondzolota kwaloko ka vuharhi, yi ta tsutsumela ro fa.”

⁷⁴ Ndzi ku, “Wa swi tiva, ndzi le ka muxaka wun’wana wo dyondza swin’wana. Ndzi pfumela leswaku sweswo swi tano nile ka vavasati, na vona.” Hi swona. Hi swona.

⁷⁵ Vuharhi byebyo, byo swondzolota, ma langutele ya vo rhiketa, swa antswa u fambela ekule na yena, jaha, hinkwawo maendlelo ya lawa ya wasi ehenhla ka mahlo ya yena. Nakona a ndzi...Ndzi ngaka ndzi nga swi lavi sweswo. A ndzi pfumeli sweswo leswaku i kuva Mukreste. A ndzi na mhaka ni leswaku thelevhixini na phepha swi ri swi sasekise ku yini. I swilo leswi swi chavisaka ngopfu ku swi languta, malangutelo yo biha swinene lawa ndzi nga se tshamaka ndzi ma vona evuton’wini bya mina.

⁷⁶ Loko ndzi tava ndzi swi vonile sweswo, kwalahawani eClifton’s Cafeteria, mixo wun’wana, hi nkarhi wo fihlula. Ndzi vonile van’wana, va vanhwana lava ntsongo va ta. Makwerhu Arganbright ntsena u ngenhile, na mina. Kutani u rhelerile a ya ehansi hi switepisi. Ndzi langutile, kutani nhwana ya loye a nghena. Ndzi ehleketa, “Kunene, a ndzi—ndzi—ndzi—ndzi swi tivi.” A ndzi se tshama ndzi swi vona. A kuri muxaka wun’wana. Oho, a swi languteka tani hiloko a rhukurhile enon’weni, ma swi tiva, ntsena maendlelo yan’wana yo ka ya nga languteki kahle. A ndzi vuli leswaku swa hlekisa. Ndza—ndza swivula. Ma swi tiva, ndzi wu vonile nhlokonho. Ndzi mumixinari. Ndzi wu vonile muxaka hinkwawo wa maendlelo lawa ya nga tshamisekangiki, ma swi tiva, ya leswi vuvabyi byi nga xiswona. Kutani a ndzi ri eku fambeni ndzi n’wi landza manana loyi lontsongo ndzi ya n’wi byela, “Leswaku ndzi—ndzi—ndzi muninistara. Ndzi—ndzi khongelela vavabyi. Xana—xana wa swi tsakela leswaku ndzi ku khongelela xana?” Nakona a ndzi nge se tshama ndzi vona swin’wana swo kotisa sweswo. Kutani swingaleswi, lahawani ku tlhela ku ta vambirhi kumbe vanharhu, va nghena. Ndzi vile ni maendlelo yo tlhelela endzhaku ndzi ya yima.

⁷⁷ Hiloko Makwerhu Arganbright a ta hikwala tlhelo, swingaleswi ndzi ku, “Makwerhu Arganbright?” Swi nga ha endleka a ri kona kwala. Ndzi ku, “Ku humelela yini hi wansati ya loye xana?” Wa vona?

Kutani a ku, “Leswiya, leswiya i ku ti penda.”

⁷⁸ Ndzi ku, “Kunene, mina, mina!” Wa vona? Ndzi ehleketa leswaku a va fanele va n’wi veke endlwini ya ntungu kun’wana, ma swi tiva, a ta sukela ku tshovelela hinkwako eka vavasati lava n’wana.

⁷⁹ Kambe, ma swi tiva, u fanele ku kunguhata, u languta, u khongela, loko u hlawula. Hikwalaho, ha swi vona, ha leswi, Rito ra xitshembhiso. Wansati, mutekiwa loyi wanuna a fanelaka ku n’wi hlawula, u taya a ya kombisa vumunhu bya wanuna. Byi ta kombisa leswi swi nga eka yena.

⁸⁰ Sweswi, u nga ha n’wi anakanya wanuna, la nga tatiwa hi Moya wo Kwetsima, a teka xin’wana xo kotisa xexo leswaku xi va nsati? [Nhlengeletano yi ku, “Ee.”—Muhleri.] A ndzi—ndzi—ndzi swivoni, makwerhu. Sweswi, kumbexani hi leswi ntsena ndzi nga wa khale. Kambe, ma swi tiva, ntsena a ndzi—ndzi swi twisisi sweswo, wa vona, xiyisisani, hikuva swi ta kombisa leswi swi nga eka yena wanuna. Wansati u ya eku n’wi pfuneni ku endla muti lowu wa vutomi hinkwabyo.

⁸¹ Sweswi, swingaleswi, loko hi ncina hi tlhelela endzhaku nyana xinkadyana, eka tlhelo ra ximoya. Kutani loko u vona kereke leyi yi nga emisaveni, yi ri ni maendlelo ya misava, yi nghenelela eka misava, yi ri na xiave eka misava, yi ri karhi yi hlayela Milawu ya Xikwembu tani hiloko Xi nga Yi tsalanga, kutani u—u nga ha swi anakanya ntsena Kreste leswaku a ngeyi a ya teka Mutekiwa wo endlisa sweswo. Mi nga ha swianakanya hi ku teka kereke ya ximanguva lawa namuntlha leswaku yi va Mutekiwa? Ku nga ri Hosi ya mina. Ndzi ngaka . . . Ndzi nga ha swivona sweswo hi ku tika. Ee. Tsundzukani, sweswi, wanuna ni wansati va un’we. Xana u nga ha joyina eka munhu wo kotisa ya loye xana? Loko kuveni u ta swikota, kutava kuri hakunene-nene ku ri ku nyumisiwa ka ripfumelo ra mina leri nga eka n’wina.

⁸² Kutani, swingaleswi, ku nga humelela yini hi Xikwembu loko xi joyina xona hi Xoxe eka swin’wana swo kotisa sweswo, nghwavavani ya ntolovelo ya dinominexini? Mi ehleketa leswaku Xi nga swi endla xana, “Va ri ni ngohe ya vukhongeri kambe va ri karhi va ala matimba ya byona”? Xi ngaka xi nga swi endl. Yi boheka kuva na vumunhu bya Xona eka yona n’winyi. Leyinene, Kereke leyi yi nga tswariwa ra vumbirhi yi boheka ku—ku va ni vumunhu lebyi a byi ri eka Kreste, hikuva nuna na nsati i van’we. Nakona loko Yesu a endle ntsena leswi swi tsakisaka Xikwembu, a hlayise Rito ra Xona niku kombisa Rito ra Xona, Mutekiwa wa Yena u ta fanela kuva na muxaka wun’we wa vumunhu. Yi ngaka yi nga swikoti, hi ndlela yin’wana, yi va dinominexini. Hikuva, swingaleswi, kutani a swi khathaleki leswaku hi swihi swotala u nga swi vulaka, “ee,” yi lawuriwa hi bodo kun’wana, leyi

yi n'wi byelaka leswi a fanelaka ku swi endla ni leswi a nga fanelangiki ku swi endla, nakona, minkarhi yo tala, ku ringana miliyoni wa timayili hi ku fambela ekule ni Rito ra ntiyiso.

⁸³ Swi bihe ngopfu kuva hi fambele ekule kusuka eka Murhangeri lonene loyi Xikwembu xi nga hi siya na yena ku rhangela Kereke. A Xi kalanga xi rhumela presbyters ya mfumo. A Xi kalanga xi rhumela va bishopo, va khadinal, vaprista, va phophu. Xi rhumerile Moya wo Kwetsima eka Kereke, ku ta rhangela Kereke. “Loko Yena Moya wo Kwetsima wu ta ta, U ta mi rhangela eka Ntiyiso hinkwawo, a mi paluxela swilo leswi, leswi Ndzi nga mi byela, a swi tisa eka switsundzuxo swa n'wina, u ta tlhela a mi komba leswi swi nga ta ta.” Moya wo Kwetsima wu ta wu ta endla sweswo. Sweswi, kereke ya ximanguva lawa ya swivenga Sweswo. A va Swi rhandzi, swingaleswi a ngava njhani Mutekiwa wa Krete xana? Vanhu va namuntlha va hlawula dinominexini ya ximanguva lawa. Yi endla yini, yi kombisa ntsena matwisiselo ya vona lawa ya nga siwaneka ya Rito.

⁸⁴ A ndzi vuli ku vavisa, kambe ndzi vula ku swi pfumelela swi nghena hi vuenti lebyi byi ringanelaka ku fikela laha mi swi langutaka.

⁸⁵ Ndzi hlanganise vanhu votala hi ku va tekanisa, kambe minkarhi hinkwayo swi ndzi tsundzuxa hi Krete ni Mutekiwa wa Yena. Wun'wana wa mucato lowu ndzi nga wu endla lahawani, nkarhi wun'wana lowu wu nga hundza, a—a wu ri nchumu lowu wu nga tshamisekangiki hakunene evuton'wini bya mina. Swi ni malembe yo tala lawa ya nga hundza, loko ntsena ndza ha ri muministara lontsongo.

⁸⁶ Makwerhu wa mina a tirha e—e P.W.A. A ndzi tivi loko un'wana a swi tsundzuka sweswo, hambu swi ri tano, kumbe swi nga ri tano, un'wana tani hi loyi a kuleke ku kotisa mina. Kutani yaleyo a—a yi ri projete leyi mfumo a yi ri na yona. Kutani makwerhu wa mina a tirha kona, kwalomu ka timayili ta makume nharhu. A va ri eku celeni ka swidan'wana, projete ya nhlaysi wo mati.

⁸⁷ Kutani a kuri ni jaha leri a ri tirha kwalahaya, na yena, kusuka eIndianapolis, kwalomu, oho, kwalomu ka dzana ra timayili ehenhla ka Jeffersonville laha ndzi—ndzi tshamaka kona, kumbe laha a ndzi tshama kona. Kutani a kuri na . . . U teri eka makwerhu wa mina, siku rin'wana. A ku, “Doc,” a ku, “Ndzi—ndzi lava . . . Ndzi ya eku tekeni, loko a ndzi ri ni mali yo ringanela yo hakela muchumayeri.” A ku, “Ndzi—ndzi na mali yo ringanela leswaku ndzi kuma layisense, kambe,” a ku, “A ndzi na mali leyi yi enelege yo hakela muchumayeri.”

⁸⁸ Doc a ku, “Kunene, makwerhu wa mina i muchumayeri, nakona—nakona a—a nga ku tekisa.” A ku, “A nga kali a chaja vanhu eka swilo swa muxaka walowo.”

A ku, “U nga n’wi kombela loko a ta ndzi tekisa xana?”

⁸⁹ Kunene, vusiku byebyo makwerhu wa mina u ndzi vutisile. A ku, “Loko a nge se tshama a teka, ku nga hava kuri un’we exikarhini ka vona, ni hinkwaswo swa vona swi tshamisekile.” A ku, “Kunene, ina, ndzi ta n’wi vutisa.” Kutani ndzi ku, “Loko swi ri tano, n’wi byeli, a ta.”

⁹⁰ Swingaleswi, loko Muqhivela wu fika na jaha ri ta. A kuri nchumu wa kahle eka mina, ku tshamela ro langutisa endzhaku eka leswi. Ndzi nga...Nhlikanhi wa mpfula, ni movha wa khale wa Chevrolet, ni tikhebulu ta mavoni lamakulu ni khebulu ya belingi, leyi a yi chayela, ehandle emahlweni. Ntsena hi xinkadyana loko ndza ha ku lahlekeriwela hi nsati wa mina, kutani a ndzi tshama, eka swikamarani swimbirhi leswi ntsongo. Kutani—kutani Doc a ri kwalahaya na mina, hi va rindzerile.

⁹¹ Kutani—kutani jaha ri huma emovheni, kutani hakunene-nene a nga languteki ku kotisa muteki, eka mina, kumbe a ngava tano eka un’wana, ndza pfumela. Ina. Ndzi nga ha byarha...ndzi xava ppherhe ya kahle ya tintanghu, hi dolara na hafu. Kutani a ambarile ppherhe, leyi a yi fambe ngopfu. Kutani buruku ya yena hakunene a yi hlakarile. Nakona a ambarile rin’wana ra mabaji lawa ya khale ya zovo ra mole. A ndzi bvumbhi van’wana va n’wina vanhu lava mi nga dyuhala mi nga swi tsundzuka. Ri languteka tani hiloko ri hoxiwile eka muchini wo hlantswa ri nga sungulanga hi ku tlhuvutsiwa, kutani riva na mavalavala, ri bohekile ku kotisa *leswi*, na khona yi ri ehenhla.

⁹² Kutani manana lontsongo a—a huma a ya etlhelo, ni leswi ntsongo, oho, swin’wana swa swi ambalo leswi swi langutekaka swi ri na tilayini leti ti tsemekanyaka.

⁹³ A ndzi switivi. Ndzi endlile xihoxo xa ku vitana muxaka walowo wa nhundzu, nkarhi wun’wana. Gingham, ndzi pfumela leswaku swivitaniwa tano. Kutani swingaleswi a kuri...Ndzi swivula nakambe hi ku hoxisa. Minkarhi hinkwayo a ndzi—ndzi tshamela ro swivula. Kutani ndzi ku...

⁹⁴ U humile emovheni, kutani va ta hi xitepe. Kutani—kutani loko va nghena, nchumu wuntsongo wa vusiwana, wansati...Ndza pfumela, wansati, ntsena hinkwaswo leswi a ri na swona leswi a swi ambarile a kuri xiketete. Nakona a nga ri na tintanghu, hi ku tika, ambaleke. A ri ni leswi swo bohoboha leswi swi humaka eIndianapolis, ehansi. A ri na misisi leyintsongo yi nembelelaka ehansi, endzhaku, hi ku leha, maendlelo yo petsekela ehansi endzhaku. A languteka a ri lontsongo.

Kutani ndzi ku eka yena, “U kule ku ringanela leswaku u nga tekiwa xana?”

95 Wansati a ku, “Ina, nkulukumba.” Kutani wansati a ku, “Ndzi ni mpfumelelo lowu wu tsariweke lowu wu humaka eka tatana na manana wa mina.” Wansati a ku, “Ndzi fanele ku ri—ri komba khoto lahawani, leswaku ndzi kuma layisense ya mina.”

96 Ndzi ku, “Hi swona.” Ndzi ku, “Ndzi tsakela ku vulavula na wena nyana hi nga se sungula mucato lowu.” Va tshamile ehansi. Jaha a ri tshamela ro halahala ekamareni; a ri karhi a lava khati ya misisi swinene. Kutani a tshamela ro halahala ekamareni. A nga ri eku ndzi yingiseni. Ndzi ku, “Jaha, ndzi ku lava u yingisela leswi ndzi swi vulaka.”

A ku, “Ina, nkulukumba.”

Kutani ndzi ku, “Wa n’wi rhandza nhwana loyi xana?”

A ku, “Ina, nkulukumba. Ndza n’wi rhandza.”

Ndzi ku, “Wa ri rhandza jaha leri xana?”

“Ina, nkulukumba. Ndza n’wi rhandza.”

97 Ndzi ku, “Sweswi, xana u na ndzhawu laha u nga ta n’wi yisa kona endzhaku kaloko u tava u n’wi tekile xana?”

A ku, “Ina, nkulukumba.”

98 Ndzi ku, “Swi lulamile. Sweswi,” ndzi ri, “Ndzi lava ku ku vutisa swin’wana. Ndza swi twisisa leswaku, u tirha lahawani eka P.W.A. leyi.”

Kutani a ku, “Ina, nkulukumba.” Kwalaho i kwalomu ka khume mbirhi wa tidolara hi vhiki.

Ndzi ku, “U ehleketa leswaku u nga swikota ku n’wi hlayisa?”

A ku, “Ndzi ta endla hinkwaswo leswi ndzi nga ta swikota.”

99 Kutani ndzi ku, “Kunene, sweswo swi lulamile.” Kutani ndzi ku, “Sweswi, ku ta humelela yini loko a huma. . . Loko o lahlekeriwa hi ntirho wa yena, sesi? Xana u ta endla yini, u ta tlhelela ekaya, eka mhani, papa?”

Wansati a ku, “Ee, nkulukumba. Ndzi ta tshama na yena.”

100 Kutani ndzi ku, “Yini, nkulukumba, loko u ri na vana va nharhu kumbe mune, kuri hava lexi u nga ta va nyika xona xo dya, nakona u hava ntirho wun’wana. U ta endla yini xana, u ta n’wi hlongola wansati?”

101 A ku, “Ee, nkulukumba. Ndzi ta ti karhata ku ya emahlweni. Hi ta swikota, hi ndlela yin’wana.”

102 Ndzi titwa nyana swintsongo. Kutani ndzi swi vona leswaku hakunene wa n’wi rhandza, nakona va rhandzana. Ndzi va tekanisa.

103 Kutani ndzi hlamarile leswaku wansati loyi i n'wi yise kwihi. Masiku nyana matsongo, ndzi vutise makwerhu wa mina, Doc, u kwihi. A ku, "Famba u rhelela eNew Albany," xidorobani lexi xi nga ehansi ka hina.

104 Kutani ehansi enambyeni, laha a ndzi ri na thini rin'wana kwalahaya, laha a ndzi hamba ndzi ya kona masiku hinkwawo loko ndza—ndza ha ri munhu wa layini. Swingaleswi loko lavan'wana vanakulorhi, hinkwawo va tshama ehansi hi xirhendzevutani, va ri karhi va vula mafenya ni swin'wana, a ndzi ta nghena elorini ndzi tsutsumela enambyeni ndzi ya khongela hi nkarhi walowo! . . . ? . . . Ni hlaya na Bibeke ya mina, ehansi ka xiphemu lexikulu xa thini laha mintirho ya nsimbhi ya khale a yi toloverixe ku va kona. Ku ni ntlawa wa mabokisi ya mimovha ya khale yi nga tshamisa kwalahaya.

105 Kutani nakulorhi loyi u yile kwalahaya a ya kuma rin'we ra mabokisi ya mimovha kutani a n'wi sahela rivanti eka rona. Kutani u tekile phepha hungu na tikunupu ta swipikirana.

106 I vangani lava va tivaka tikunupu ta swipikirani? Ku hava lava humaka eKentucky lahawani, sweswi. I ku, teka phizi ya khadibokisi, u vekela xipikiri eka rona, xipiringi nyana xintsongo. Kutani u xi sukumetela eka . . . Yaleyo i kunupu ya xipikiri.

107 Swingaleswi, va yi vekile hinkwako. Kutani u yile lahaya ku tirhiwaka swa tinsimbhi a ya n'wi kumela xitafu xin'wana, kutani a endla xitepisi, xo huma. Kutani a kuma mabokisi yan'wana ya khale, kutani a n'wi nyika tafula. Kutani ndzi ehleketa, siku rin'wana, "Ndzi ta rhelela kwale hansi ndzi ya vona leswaku va kuma yini."

108 Kwalomu ka ntsevu wa tinhweti ku nga se fika sweswo, ndzi tekanise nhwana wa E.V. Knight na jaha ra E.T. Slider. E.V. Knight, un'wana wa vavanuna va swikhumukani leswi nga lahaya Ohio River, nakona, oho, u na tifeme kwalahaya, leti ti endlaka tiyindlu leto saseka, ni ku ya emahlweni. Kutani—kutani Slider, E.T. Slider, i khampani ya sava na misava, vana va n'wa-timiliyoni. Kutani ndzi va tekanisile.

109 Kutani ndzi tlhelerile endzhaku endhawini, ndzi ri karhi ndzi titoloveta swona ku ringana kwalomu ka mavhiki mambirhi, niku tlhelela endzhaku eka xikhukhwana ndzi ya khizama exikhegelweni. Kutani hinkwaswo swo saseka ni hinkwaswo leswi ndzi nga ya eka swona, ekusuhi, ndzi faneleke kuya eka swona, ku ya tekanisa vatekani va lava! Kutani loko va huma, hikokwalaho ka yini, a va ri . . . Vatekani lavan'wana lava ntsongo ntsena a va yimile lahaya eka xikamarana xintsongo xa khale laha a hi ri na xitorokisana na mubedo wo petsa, kambe havumbirhi va tekanisiwile eka ntirho wu ri wun'we.

¹¹⁰ Kutani swingaleswi, siku rin'wana, a ndzi ehleketa leswaku ndzi fanele ku rhelela ndzi ya endzela vatekani lava va swifumi. A va fanelanga va tirha, va tata wa vona i va n'wa-timiliyoni, va va akele tiyindlu ta kahle. Hakunene-nene, E.V. Knight loyi, ehenhla, lahawani exigangeni, tihendlele ta yena ta rivanti ti khume mune hi mpimo wo tika wa nkokka eka xigotlo xa yena, swingaleswi mi nga ha swi anakanya leswaku i muxaka wa njhani wa muti lowu wa hanyaka eka wona. A swi kali swi lava leswaku va tirha. Va na Cadillac ya kahle va nyikiwaka lembe rin'wana na rin'wana. Kutani ntsena, vana ntsena, nakona va na hinkwaswo leswi va swi lavaka. Loko ndzi ya siku rin'wana. . .

¹¹¹ Sweswi, hilaha ndzi nga tolovelana ha kona na vona, un'wana wa vanghana va vona i munghana wa mina wa kahle. Hi kumeka hi ri swin'we hinkwerhu ekamareni. Kutani sweswo hi swona swi nga endla leswaku ndzi tolovelana na vona, loko va tava va ndzi lavile leswaku ndzi va tekanisa.

¹¹² Swingaleswi ndzi yile ku ya va endzela. Ndzi humile eka Ford ya mina ya xikhale, ehandle, kutani ndzi gonya hi switepisi. Kutani—kutani ndzi fika, loko ndzi ri ekusuhi no fika, hiloko ndzi va twa. Kutani a va ri eku beni ka huwa hakunene. Un'wana a ri ni mavondzo eka un'wana. A va ri eku danseni. A ri nhwana wo saseka swinene. Kutani a ri un'wana wa tihosikazi leti to saseka. U tekile swidlodlo swo tala kwalahaya, kutani a wina ni mimovha ni swin'wana, hikokwalaho ka kuva hosikazi yo saseka. Kutani ndzi va langutile, kutani un'wana a tshamile ekhoneni kutani loyi un'wana eka yin'wana, a ri karhi a rhasa hi jaha leri a densa na rona, kumbe nhwana un'wana, swin'wana.

¹¹³ Loko ndzi fika, va tlulela ehenhla hi xihatla vakhomana hi xivona, ehansi, ni mavoko ya—ya vona, lawa ya nga ehansi, va ta va tshunelela enyangweni. Va ku, “Hikokwalaho ka yini, ahe kwalaho, Makwerhu Branham! U ta u ri njhani xana?”

Ndzi ku, “Kahle. N'wina mi njhani xana?”

¹¹⁴ Kutani, “Oho,” a ku, “Ndzi—ndzi. . . Hi tsake ngopfu. A hi tano, murhandziwa?”

Hiloko a ku, “Ina, murhandziwa.” Wa vona?

¹¹⁵ Sweswi, ma swi vona, mi veka eka swin'wana leswi swi nga riki leswinene. Sweswi, a wu nge swikoti ku kufumetiwa hi ndzilo lowu wu nga pendiwa, kukotisa tin'wana ta tikereke leti ti ringetaka ku penda pentekosta, hi swin'wana swa leswi swi nga humelela gidi ra malembe lawa ya nga hundza kumbe magidi mambirhi ya malembe lawa ya nga hundza. A wu nge swikoti ku kufumetiwa hi ndzilo lowu wu nga pendiwa. Pentekosta ya ha ri ya xiviri namuntlha kukotisa hilaha a yi ri xiswona emasunguleni. Wa vona? Ina. Ndzilo wa hawa. A hi ndzilo lowu pendiweke. I Ndzilo wa xiviri.

116 Swingaleswi, va, ntsena kwalahaya a va ri kona. Wa vona? A ndzi—ndzi nge swi lavi ku hanyisa xisweswo.

117 “Oho,” ndzi ehleketa, “ma swi tiva, ntsena ehansi eka riwa lahaya nile nambyeni, kwalahaya hilaha vatekani lavan’wana va nga vaviseka kona.” Ndzi ehleketa, “Muqhivela wun’wana hi ndzhengha ndzi ta rhetemukela kwalahaya ndzi ya vona leswaku va pfuka njhani.”

118 Swingaleswi mina, thyaka exikandzeni, ni tihovhorolo to thyaka va nga tiambala, ni switirhi swa mina va nga na swona. Ndzi ehleketa, “Ndzi ta rhetemukela eka vona.” Ndzi rhetemukile kukotisa loko ndzi hlalerile tirhaba ta tikhebulu loko ti kwamuriwa hi rihati kumbe swin’wana, kutani tani hiloko ndzi famba etihelo ka tiwayere ta riqingho, tikhebulu ta gezi ku longoloka ni nambu. Kutani lahaya a kuri na Chevrolet ya khale, a ndzi tshamile ehandle emahlweni. Kwalomu ka le ndzhaku ka lembe, endzhaku kaloko ndzi tava ndzi va tekansile. Kutani a kuri ni—ni. . . Rivanti a ri pfulekile, kutani a ndzi kota ku vatwa loko va vulavula. Swingaleswi leswi swi twakala tani hi vutikukumuxi, kambe ndzi tshunelerile ku ringana ku fikela laha ndzi nga yingiselaka, ndzi vona leswi a va ri eku swivuleni. Ndzi yima kwalahaya. Kutani ntsena a ndzo lava ku tiva, hi vumina.

119 Ndzi lava ku kumisisa ni kuva ni ntiyiso wa leswaku ndza switiva leswi ndzi vulavulaka hi swona. Yaleyoyona ndlela leyi ndzi yi endlaka hi Rito ra Xikwembu. Hi Rona Ntiyiso, kumbe a hi Rona Ntiyiso xana? Xana Xa ri hlayisa Rito ra Xona, kumbe a Xi ri hlayisi Rito ra Xona ke? Loko Xi nga ri hlayisi Rito ra Xona, swingaleswi a hi Xona Xikwembu. Wa vona? Xa ri hlayisa Rito ra Xona, hi Xona Xikwembu. Wa vona?

120 Kutani swingaleswi ndzi lava ku swivona leswaku va pfuka njhani. Kutani ndzi rhetemukile hile tlhelo, hi ku olova hakunene. Ndzi n’wi twile a ku, “Oho, murhandziwa, ndzi lavile ku ku kumela sweswo, hi ku biha ngopfu.”

121 A ku, “Sweswi, languta, xiluva xa mbilu.” Wansati a ku, “Xiambalo lexi xi kahle.” A ku, “Hikokwalaho ka yini, lexi ntsena xi kahle.” A ku, “Ndza xi amukela xexo. Kambe wa swi vona. . .”

122 Ndzi hundzuluka, leswaku ndzi nga ha languta hi laha ku pandzekeke kale khumbhini, laha nyangwa wu nga pfariwa hi chovhele lahaya eka movha wa khadibodo. Kutani kwalahaya a ri kona, a tshamile kwalahaya, kutani wansati a ri ehnhla ka khwiri ra wanuna; ni mavoko lawa ya n’wi vukarheke, na yena a vukarhile wanuna. Kutani a ri ni xin’wana xa swihuku leswi swa khale lexi xi nga wa, nakona a boxile ximbhovani nyana, a xi bananisa nale hansi, ehnhla, kutani a humesa cheke ya yena leyi a nga hakeriwa, eka xona. A—a yi vekile

etafuleni. A ku, “*Leyi* i ya swakudya. *Leyi* i ya xisayiti. *Leyi* i ya movha.” Kutani va nga ha endla makumu ya vona ya hela hi ku hlangana kahle. A ta a ta kuma leswaku, yena wanuna u vonile swiambalo nyana swintsongo ehenhla lahaya efasitereni, leswi a ri eku swi languteni ku ringana mavhiki yo hlaya, leswi swi duraka dolara kumbe swin’wana. A swi lava wanuna loyi ku swi kuma. A ku, “Kunene, murhandziwa, u ta languteka u sasekile ngopfu eka swona.” Hiloko a ku. . .

¹²³ Wansati a ku, “Kambe, murhandziwa, ndzi—ndzi na swona swiambalo. A ndzi—ndzi swilavi hakunene.” Wa vona? Kutani hosikazi yaloye lontsongo. . .

¹²⁴ Ndzi hundzulukile, kutani ndzi languta ehenhla. Ndzi nga ha kota ku—ku vona xiganga ehenhla ka ndyangu lowun’wana. Ndzi yimile kwalahaya ndzi languta, timinetse tintsongo. Ndzi ehleketa, “I mani xifumi kasi?” Ndzi ehleketa, “Loko, Bill Branham, loko u lava ku teka ndhawu yihi, u taya kwihi xana?” Eka mina, ndzi ngaka ndzi nga wu teki nchumu walowo wo saseka lowu nga ehenhla exigangeni. Ndzi nga ha teka vumunhu lebyi byi nga lahawani, tani hi muendli lonene wa muti, un’wana loyi a ndzi rhandzaka a tshamaka na mina, un’wana u ringeta ku aka muti; ku ngari ku mi humesela ngati eka hinkwaswo, hikokwalaho ka bombo; ni un’wana loyi a nga na wena, xiphemu xa wena.

¹²⁵ Sweswo minkarhi hinkwayo swa ndzi tlimba, hilaha swi nga ha kona sweswo. Un’wana u hlawula nhwenyana wo saseka, loyi un’wana u hlawula vumunhu. Sweswi, yaleyo hi yona ndlela yi ri yoxe leyi ndzi nga yi hlawulaka. Xo sungula, languta vumunhu nakona, kutani, loko u n’wi rhandza. Swi lulamile.

¹²⁶ Xiyisisani, Adam wo sungula wa Xikwembu a nga vanga niku hlawula, eka nsati wa yena. A nga kalanga a va niku hlawula. Xikwembu ntsena xi n’wi endlele un’we, nakona a nga swikotanga ku n’wi hlawula. Swingaleswi hi kuma leswaku u n’wi fambisele ekule ku hambana na Rito ra Xikwembu. A nga kalanga a khongelela mhaka. A—a—a nga kotisi n’wina na mina. A nga kalanga a va na ku hlawula. Nakona nakambe, hi ku endla sweswo, wansati u n’wi fambisile a suka xiyimo xa yena xa kahle tani hi n’wana wa Xikwembu. Nakona u swi endlile hi ku n’wi kombisa ndlela ya ximanguva lawa yo hanya, swin’wana leswi hakunene a va fanele va nga swi endli. Kambe vumunhu bya wansati a byi kombisa leswaku u hoxile. Nhlohlotelo wa yena ni mavonelo hi ku olova a swi hoxekile. Ni ku khorwisa wanuna, hi ku kanela ka yena, leswaku rivoni lerintshwa ra ximanguva lawa leri wansati a nga ri kuma, leri a ri hambana na Rito ra Xikwembu, a kuri ro antswa ku hanya eka rona.

127 Kutani i vangani vavasati namuntlha, ni ku ncincana, vavanuna, lava va nga humesaka wansati wa kahle a va ekule na Xikwembu, kumbe ku humesa wanuna wa kahle a va ekule na Xikwembu, hi ku ringeta ku n'wi byela leswaku, "Vukhongeri lebyi, wena jaha ra pentekostal! Vukhongeri byebyo," va ri, "oho, Byebyo i bya fexeni ya khale. I nkungwa wa khale. U nga swi pfumeri Sweswo." Swa antswa u khongela swinene u nga se n'wi teka nhwanyana yaloye. A ndzi na mhaka niku u sasekisi ku yini. Swa fana nile ka wanuna.

128 Wansati u yengetele wanuna leswaku a huma eka ku rhandza ka Xikwembu kutani a n'wi endla leswaku a endla swin'wana leswi a fanele a nga swi endlanga, kutani, ha swona, swi vangile rifu eka rimbewu hinkwaro ra ximunhu. Sweswo hi swona swi endleke leswaku Bibeledi yi n'wi alela ku dyondzisa, kumbe ku chumayela, kumbe ku khoma Rito ra Xikwembu, hi maendlelo yan'wana.

129 Ndza switiva, sesi, votala van'wina mi ri, "Hosi yi ndzi vitanile leswaku ndzi ta chumayela."

130 A ndzi nge phikizani na n'wina. Kambe ndzi ta mi byela leswaku, Rito ri ri mi nga swi endli. "Wansati a nga dyondzisi, kumbe matimba yan'wana yo lerisa, kambe a miyeli."

"Kunene," mi ri, "Hosi yi ndzi byerile leswaku ndzi swi endla."

131 A swi ndzi kanakanisi sweswo na swintsongo. Mi kale mi ritwa Hungu ra mina madyambu man'wana hi Balaam? Balaam u ve na xo sungula, xiboho xo kongoma xa Xikwembu, "U nga swi endli." Kambe a tshamela ro ti mphutisa kufikela laha ekuheteleleni Xikwembu xi n'wi byelaka leswaku a ya swi endla.

132 Xikwembu xi nga ha mi mpfumelela ku chumayela. A ndzi vuli leswaku a Xi pfumeleri. A swi yi kuya hi Rito ra Xona ro sungula. "Hikuva wansati u fanele ku tshama ehansi a yingisela, tani hilaha na nawu wu swi vulaka." I ntiyiso. Swingaleswi, a nga fanelanga ku swi endla sweswo.

133 Sweswi, xiyisisani nakambe sweswi hilaha mutekiwa wa ntumbuluko a nga xifanekiso xa ximoya. Rito ri ri, leswaku, "Wansati u endleriwe wanuna, ku nga ri wanuna a nga endleriwela wansati."

134 Sweswi ndzi ya vulavula hi leswaku, nakona hikokwalaho ka yini, eka timinetse tintsongo, eka Mutekiwa wa Krete, kambe ndzi ringeta ku mi komba masungulo ya swona.

135 "Wansati u endleriwe wanuna, ku nga ri wanuna a nga endleriwela wansati." Xexo hi xona xivangelo, ehansi ka milawu ya khale, leswaku tshengwe a ri ri enawini. Langutani Davida loko a ta tshamisa lahaya a ri ni ntlhanu wa madzana wa vavasati, nakona Bibeledi yi teri, "A ri munhu loyi a

humaka embilwini leyi yi nga ya Xikwembu.” Ni vavasati va ntlhanu wa madzana, kutani Solomon a ri na khume ra madzana, kambe a kuri hava na un’we eka vavasati lava loyi a ri ni nuna un’wana.

¹³⁶ Mi kuma thepi ya mina ya *Vukati Ni Ku Thalana*. Sweswo, a swi ri ehenhla ka ntshava eTucson, lahawani ku nga ri khale ngopfu, a ndzi ri lahaya ehenhla ndzi ri karhi ndzi swi khongelela. Va tshuxile swikolo, leswaku va ta hlalela Langavi lero ra Ndzilo leri a ri rhendzele ntshava na kuva ri famba hi chimele, ri ya endzhaku nale mahlweni, ehenhla nale hansi. Vanhu va lahawani va switiva, a va ri kwalahaya va Ri vonile; kutani hilaha A nga ndzi byela Ntiyiso wa vukati lebyi niku thalana, ku vutisiweke. Loko kuri na tlhelo rin’wana ri fambaka hi ndlela *leyi*, kutani rin’wana ri famba hi tlhelo *leriya*, ku fanele kuva ni Ntiyiso kun’wana. Endzhaku ka Swilemo Swa Nkombo, U kombisile leswaku Ntiyiso wa swona a wu ri wihi.

¹³⁷ Xiyisisani, sweswi, a nge swikoti handle ka kuva na nuna un’we, hikuva, “Wansati u endleriwe wanuna, a hi wanuna a nga endleriwela wansati.” Hinkwavo vavasati valava va ntlhanu wa madzana a va ri nsati wa Davida, nakona a swi ri xifaniso. Loko Kreste a ta tshama eXiluveweni eka Miliniyamu, Mutekiwa wa Yena ku tava ku ngari munhu un’we, kambe ku tava kuri makume ya magidi, Mutekiwa, hinkwavo eka Un’we. Nakona Davida a ri ni vasati votala, tani hiloko va ri un’we, kambe ntsena hinkwavo ka vona a va ri nsati wa yena. Ku kotisa Miri hinkwavo wa vafumeri wu Mutekiwa wa Kreste, hikuva hi Wona Yena, wansati. Yena i Wanuna. Sweswi, hi endleriwe Kreste. A hi Kreste a nga endleriwela hina.

¹³⁸ Sweswo hi leswi hi ringetaka ku swi endla namuntlha eka tibuku ta hina to hlava, i ku ringeta ku endla Rito (leri ri nga Kreste) leswaku ri hi ringanela, ematshan’wini ya kuva hi ringeta kuva hi ti endla leswaku hi ringanela Rito. Sweswo swi hambanile.

¹³⁹ Loko wanuna a hlawula nhwenyana un’wana wa le ndyangwini, a nga fanelanga ku tshembhela eka ku saseka, hikuva ku saseka ka kanganyisa. Nakona ku saseka, vumbhuri bya ximanguva lawa bya misava, i bya Javulosi.

“Oho,” ndzi twa un’wana a vula swin’wana lahaya a ku, “u tivonela lahawani, muchumayeri!”

¹⁴⁰ Ndzi vula leswaku swilo leswi emisaveni ya leyi, leswi swi vuriwanga vumbhurhi, hakunene-nene i bya Javulosi. Ndzi ta mi kombisisa swona. Swingaleswi, eka ku vonakala ka ku vulavula loku, a hi laveni Rito ro kwetsima ra Xikwembu, hi vona leswaku i ntiyiso kumbe a hi ntiyiso. Kutani van’wana va n’wina vavasati mi lava ku saseka swinene! Ma byi vona

leswaku byi huma kwihl. Emasunguleni, hi kuma leswaku Sathana a ri mpohlo swinene ku kondza laha a hambukisaka Tintsumi. Nakona a ri Ntsumi leyi a yi saseke ngopfu kutlula hinkwato. Byi kombisiwile, byi kumeka eka Javulosi. Swivuriso swi teri, Solomon u teri, “Vumbhuri i vusinge.” Hi swona sweswo. Vudyoho byi sasekile. Hakunene, byi tano. Byi koka mahlo.

¹⁴¹ Ndzi lava ku mi vutisa, niku vula swin’wana lahawani eka n’wina. Ndzi mi lava mi xiyisisa, timinetse tintsongo. Leswaku rixaka hinkwaro leri ri nga emisaveni, swinyenyana, swiharhi, hi kuma leswaku eka vutomi bya vuharhi, hinkwaswo handle ka ra ximunhu, i xa xinuna lexi xi nga saseka, nakona ku ngari xa xisati. Hikokwalaho ka yini sweswo? Langutani eka...Langutani ndhakazi, mhalamhala leyikulu yo—yo saseka na timhondzo ta yona, ni ndhakazi leyintsongo ya xisati. Langutani eka—eka mbhaha, wuntsongo, mbhaha wa rimhangele, ni nkuku lowukulu wa tisiva ta kahle. Langutani xinyenyana xa xinuna ni xinyenyana xa xisati. Langutani sekwa ra nhova ra xinuna ni ra xisati. Wa vona? Kutani ku hava rixaka rin’wana emisaveni, leri ri nga endlwiwa, leri ri nga xisaka niku korhamela swinene tani hi wansati.

¹⁴² Sweswi, sesi, u nga tlakuki u yima u famba. Ntsena yima ku kondza hi twa makumu ya Leswi. Wa vona? Wa vona?

¹⁴³ Kuhava nchumu, kuhava xa xisati handle ka wansati, loyi a nga vaka ni vugangu. Mi vitana mbyana leswaku i “nkati,” mi vitana honci leswaku “i—i matsune,” kambe, hi vunene, swi ni vunene byo tala kutlula hafu ya switlangi swa ndhuma swa timuvhi leswi nga lahawani. Swi ngaka swi ngavi nchumu swin’wana handle ka vunene.

¹⁴⁴ Kutani wansati hi yena loyi a nga ncinca, hikokwalaho ka ku hundzuluxa. Hi swona sweswo. Ma ku vona laha vumbhuri byi nga n’wi yisa kona xana? Sweswi, xexo hi xona xivangelo xa sweswo, namuntlha, hi kuma leswaku vavasati va le ku engetelekeni ka vumbhuri. Loko mi nga teka Pearl O’Brien, mi tshame mi xi vona xifaniso xa yena? A fanele a ri n’wa-mbhuri lonkulu wa Amerika. Ku hava n’wana wa xikolo loyi a humaka eka xikolo xin’wana na xin’wana loyi a nga vaka na yena eka layini ya le—le ndzhaku. Ma swi tiva leswaku swi fanele kuva hi ndlela ya leyo xana? Maswitiva leswaku Biblele yi vula leswaku yaleyo hi yona ndlela leyi swi nga tava xiswona?

¹⁴⁵ Maswitiva leswaku ku wa ku tile hi wansati emasunguleni xana? Kutani ku wa...Kutani makumu ya ta hetisela hi ndlela yin’we, vavasati va ta eka vuhosi niku fuma ehenhleri ka vavanuna, ni kuya emahlweni. Ma swi tiva leswaku Matsalwa ya vula sweswo xana? [Nhlengeletano yi ku, “Amen.”—Muhleri.] Ma swi tiva, hi siku leri a

ambalaka swiambalo swa wanuna, niku boba misisi ya yena, hinkwaswo swilo leswi swi hambana na Rito ra Xikwembu. Nakona ma swi tiva leswaku u yimela kereke xana? ["Ina."] Loko mi languta leswi vavasati va swi endlaka, mi ta swivona leswi kereke yi swi endlaka. Sweswo hi swona hakunene. Sweswi, sweswi, sweswo kova ntsena ntiyiso tani hilaha Rito ra Xikwembu ri nga ntiyiso.

¹⁴⁶ Kuhava xin'wana xa xisati lexi xi nga endlwa leswaku xi nga korhamela kukotisa wansati a swi endlaka. Kutani hambu swi ri tano, ha sweswo, u va a endlwe a suka- . . .

¹⁴⁷ A nga ri kona eka ntumbuluko wo sungula. Hinkwaswo swa xisati leswin'wana swi le ka ntumbuluko wo sungula: swinyenyana, xa xinuna ni xa xisati; swiharhi, xa xinuna ni xa xisati. Kambe, eka vutomi bya ximunhu, Xikwembu ntsena xi endlile wanuna, kutani Xi humesa eka yena. Kutani wansati hi loyi a humesiweke eka wanuna, hikuva Xikwembu a xi kalanga xi wu sungula nchumu walowo. Lavisisani Matsalwa. Hi swona hakunene. Xikwembu, ee, nkulukumba, eka ntumbuluko wa Xona wo sungula. Wansati a vekiwile ehandle lahaya.

¹⁴⁸ Kambe loko a nga ti khoma kahle, u na ku vuyeriwa lokukulu njhani ko tlula wanuna. U vekiwile eka misava leyi yi ringaka. Ha yena ku ta rifu. U na nandzu wa rifu. Kambe Xikwembu xi hundzulukile kutani xi tirhisa un'wana ku vuyerisa Vutomi nakambe; xi tisa N'wana wa Xona hi wansati, loyi a yingisaka. Kambe un'wana wo biha u—u nyanye ngopfu lahaya; kuhava xin'wana lexi xi nga korhamelaka.

¹⁴⁹ Kayini, n'wana wa Sathana, u ehlekete leswaku Xikwembu xi amukerile ku saseka kwaloko. Wa ha swi endla na namuntlha. Kayini a ri n'wana wa Sathana. "Oho, sweswi!" mi ri. Hi ngaka hi nga ngheni hi vuenti eka sweswo, kambe ndzi pfumeleleni ndzi mi tshamisela swona. Biblele yi vule leswaku "a ri wa lowo biha." Swingaleswi, sweswo swa swi tshamisisa. Hi swona. Sweswi, a ri n'wana wa Sathana. Kutani u ehleketele sweswo, a nghenisa altari a tlhela a yi endla leyi yi sasekeke swinene ku gandzela, sweswo hi leswi Xikwembu xi nga ta swi xixima.

¹⁵⁰ Va ehleketa, va ha ehleketa swo fana na namuntlha. Hakunene. Leswi, "Hi aka miako leyikulu. Hi tava na tidinominexini letikulu. Hi ta endla muako lowukulu ni vanhu lava va nga ambala kahle, vafundhisi lava nga talela hi vundhavuko." Nkarhi wun'wana Xikwembu xi khume wa timiliyoni ta timayili kuva ekule na swona. Hi swona sweswo. Hambu swi ri tano, ya hari kereke.

¹⁵¹ Swingaleswi, loko Xikwembu xa ha xixima ku gandzela, hi ku tshembheka, gandzelo, Kayini ntsena a fana tani hi Abele. Kambe a ri ri kuya hi nhlavutelo, kuva a swi twisisile leswaku a hi maapula lawa vatswari va yena va nga ya dya.

¹⁵² Ndzi ya vula swin'wana lahawani leswi swi nga taka swi nga twakali kahle eka muministara, kambe ndzi ya eku swivuleni, hi ndlela yin'wana. Ndzi twe lava van'wana va swi vula, swingaleswi va ri karhi va vula mafenya nyana. A ndzi vuli swona. Ndzi vula leswi, hambu, "Loko kuri hi leswaku ku dya maapula swi endlile leswaku vavasati va swi tekela enhlokweni leswaku a va ambalanga, swa antswa hi tlhela hi nyika maapula nakambe." Wa vona? Wa vona? A haa. Ndzi rivaleleni eka sweswo, kambe ntsena leswaku swi nga ncinca. Ndzi na n'wina mi bohiwile lahawani, ni ku vulavula hi vavasati, ni kuya emahlweni. Ndzi—ndzi—ndzi lava ku mi wisisa nyana, eka leswi swi nga ta ta. Sweswi, xiyisisa, wena. A ku nga ri maapula. Ha switiva sweswo.

¹⁵³ Kereke yi vile tano eka masiku lawa, hi ku vuyeriwa ka yona, kukotisa ku vuyeriwa hinkwako lokun'wana loku ku nga endla hi munhu, kuva ka xisayense. Va le ku ringeteni ka ku endla kereke ya xisayense, hi ku kokiwa mahlo hi swifaniso ni swihlungwani swa kahle. Kutani swi bihe ngopfu loko Mapentekostal ma kumeka eka manyala ya lawa. Swa antswa u suka na tamborani ya wena, u ya yima ekhoneni, kutani Moya wa Xikwembu wu ta ku funengeta. Kambe u le ku ringeteni ka ku pimanyisa ni letin'wana ta vona, hikokwalaho ka kuva u kondleteriwile. Sweswo hi swona swi swi endleke. Wa vona? Tikereke ti ringeta kuva ta xisayense.

¹⁵⁴ Kutani tsundzukani, tani hilaha vanhu va vuyeriwaka hi sayense, u le ku tidlayeni masiku hinkwawo. Loko a tava a kumile phawudara ya xibamu, langutani leswi yi swi endlaka. Loko a tava a kumile movha, wu dlaya kutlula phawudara ya xibamu leyi yi swi endlaka. Sweswi u tikumele bomo ya hayidirogene. Swa hlamarisa leswaku u ya endla yini ha sweswo? Hi swona.

¹⁵⁵ Kutani swi tano nile ka kereke, tani hilaha yi vuyeriwaka hi sayense, hi xikimi lexi nga endlila hi munhu, swi ku yisa ekule u suka eka Xikwembu, nakona kuya eka rifu, kutlula leswi a swi ri kona eka ndhawu yo sungula. Hi swona sweswo. U nga hlawuli kereke kukotisa loko u hlawula nsati wa wena. Wa vona? Leswi sayense yi nga endlile wansati swona i singita, kambe swa antswa u fambela ekule na kereke ya wena eka sweswo; u endlile tipende, tiphawudara, ni hinkwaswo swilo leswin'wana. Hlawula hi vurito bya Rito ra Xona.

¹⁵⁶ Sweswi a hi pimanyiseni mutekiwa wa ntumbuluko wa namuntlha ni loyi a tivitanaka kereke ya mutekiwa ya namuntlha. Pimanyisani wansati, loyi a yaka eku tekiweni namuntlha.

¹⁵⁷ Sweswi, ntsena langutani leswi sayense yi nga n'wi endlile swona. Wansati u humile, ro sungula, ni misisi leyi yi kerhiweke, ni un'we wa Jacqueline Kennedy lava va nga

va endli va misisi, wa vona, kumbe swin'wana swo kotisa sweswo. Kutani ma swi tiva leswi Bibebe yi nga swivula? Bibebe kahlekahle yi nyika wanuna, loko a swi lava, nfanelo yo n'wi hlongola hi ku n'wi thala, loko wansati a endla sweswo. "Hi yena wansati loyi a nga xiximiki, loyi a kerhaka misisi." Bibebe yi vule tano. Hi swona. A mi switivi sweswo xana? A haa? Oho, ina! Ndzi chumayela ngopfu eCalifornia eka n'wina mo ka mi nga switivi sweswo. Hi swona sweswo. Oho, ina! Hi swihi swa kahle swi ndzi endlelaka swona mina? Va swi endla, hi ndlela yin'wana. A wu nge teki nguluve u yi ncinca vito ra yona, u yi endla xinyimpfana. Xiyisisani.

¹⁵⁸ Mi ta ndzi venga endzhaku ka leswi, kambe mi ta tiva Ntiyiso. Wa vona?

¹⁵⁹ Vonani. A hi swi pimanyiseni. Lahawani wansati u ta niku tipenda hinkwako, swin'wana swa leswi a nga riki xiswona, mutekiwa wa ximanguva lawa. Loko a nga ha hlantswa xikandza xa yena, a nga ha ti tsutsuma, kumbexani. A nga ku chavisela ro fa, susa hinkwawo maendlelo lawa ya nga eka yena. Kutani swi tano nile ka kereke leyi yi nga na vukulu, lebyi byi nga pendiwa emahlweni, kuhetiseka ka Max Factor wa ntivo-vukhongeri. A haa. Havumbirhi va—va sasekile, xikandza lexi xi nga riki xa ntiyiso eka vona, vumbhuri lebyi byi nga endliwa hi munhu ku ngari vumbhuri lebyi byi nga endla hi Xikwembu. Kuri hava ni vumunhu byo hlaya nale ka un'we.

¹⁶⁰ Xiyisisani, ntsena kukotisa Sathana, loyi a ringaneleke ku hambukisa, pimanyisani mutekiwa wa ximanguva lawa sweswi na yena: u ambala swo koma, wa tipendapenda, u kerha misisi ya yena, u ambala swiambalo leswi swi langutekisaka tani hi swa vavanuna, a tlhela a yingisela mufundhisi loyi a nga n'wi byela leswaku swi kahle. Hi yena muxisi. U ta hlupheka ha swona eka matiko lawa ya nga halahaya. Hi swona sweswo. U endla sweswo hi ku xisa, leswaku a va swin'wana leswi swi nga riki swona.

¹⁶¹ Yaleyo i ndlela leyi kereke yi yi endlaka, yi kuma ti DD. letikulu, Ph.D., LL.D. Swingaleswi mi ri, "Mufundhisi wa hina hi *loyi, yaloye, ni un'wana,*" kumbexani a nga ha tivi nchumu hi Xikwembu kutlula hi Hotontontsi a tivaka hi vusiku bya Muegipta. Hi swona sweswo. Hi swona. Byin'wana bya vutokoti bya ntivo-vukhongeri bya seminari lebyi byi humaka lahaya, nakona a nga ha tivi nchumu ha Xikwembu kutlula leswi nga riki nchumu.

¹⁶² Kereke ya ximanguva lawa na pende ya vona ya ntivo-vukhongeri, va na vavasati va vona ni hinkwako ku kwetsima ka vona loku ku nga kerhiwa, hi un'wana wa rhiki wa vona na mufundhisi loyi va nga na yena, kukotisa Yezabele loko ku tshame kuva na un'we. Misisi yo bobwiwa, swo koma, tipende, hinkwaswo swi lunghisiwe eka ku ringa ka ntivo-vukhongeri,

yaleyo hi yona ndlela leyi kereke yi nga yima hi yona. Hi swona. Kambe vumunhu bya yena bya ximoya byile kule ni kuva muaki wa muti yaloye kutlula Yesu Kreste loyi a taka a ta n'wi amukela.

¹⁶³ Loko un'wana wa Mukreste a nga teka wansati wo kotisa yaloye, swi komba leswaku u wile etintswalweni. Ku nantswa ka yena ka Xikwembu ni ku nantswa ka yena ka muti, wu tava wuri muti wa njhani, swi le kule, loko a ta hlawula wansati kukotisa sweswo. Ee, nkulukumba. Wansati u na ntiyiso wa leswaku a swi nge ringaneli ku nantswa ka Mukreste. Vumunhu bya yena bya ximoya byile hansi ethelo ra lwandle, ku fela, eka vumbhuri bya dinominexini niku navela misava.

¹⁶⁴ Kwalaho hilaha kereke yi nga yima kona namuntlha, yi xavisile vurito bya Rito leri yi nga nyikiwa yi xavisela Sathana, eka vukhongeri lebyi nga endla hi munhu bya xisayense. Loko, yi ri na nfanelo, tani hi kereke ya Xikwembu, ku tshama ni Rito ra Xikwembu ni kuva na Moya wo Kwetsima wu tirhaka exikarhi, wu thovhelela Mirhi kun'we na Rito ni rirhandzu ra Xikwembu. Ematshan'wini ya sweswo, yi xavisile tinfanelo ta yona to tswariwa, kukotisa Esau, kutani yi teka dinominexini, n'wi tshikeni a swi endla, hinkwaswo leswi a lavaka ku swi endla, hi swona, ntsena leswaku a ta duma kukotisa mana wa yena loyi a swi endleke eNicaea eRhoma. Rito ra Xikwembu!

¹⁶⁵ Oho, hilaha swi nga nghena hakona eka Pentekostal ya hina ya rifumo! Swi bihe ngopfu, kambe yi swi endlile.

¹⁶⁶ Xiyisisani, ntsena xinkadyana, nani eka kereke ya Khatholiki. Wansati yaloye, loko u lava kuva nani, nakona u teka nturhu walowo wo hetelela, hakunene i wu xavisele kereke yaleyo. Hi yena (munhu wa le ndzeni, miri, na moya) nhundzu ya kereke ya leyo. U hava miehleketo leyi yi nga ya yena. A ngevi na yona, loko a ta teka nturhu walowo wo hetelela, kahari hava miehleketo leyi yi nga ya yena, ka ha ri hava ku navela loku ku nga ka yena. Ma swi vona ehandle lahawani, leswaku Sathana u va endla va va swiphaza swa yena, kukotisa va ntiyiso.

¹⁶⁷ Kereke ya ntiyiso ya Kreste, Mutekiwa, byi xavisiwile byi suka eka Yena ni Rito ra Yena ra xitshembhiso, ku fikela laha miehleketo leyi yi nga eka Kreste yi va eka n'wina. Ku hambana kule kwih!

¹⁶⁸ Kutani ha swi kuma namuntlha, leswaku, kereke ya ximanguva lawa, kereke ya misava ya ximanguva lawa. Kereke ya misava ya ximanguva lawa ni Kereke ya ximoya havumbirhi ti muyimani, leswaku ti ta tswala vana va majaha.

¹⁶⁹ Yin'we ya tona, yi tswariwa hi ku tswariwa ka dinominexini, yi ya eku nyikiweni, siku rin'wana eka masiku lawa, eka Khansele ya Misava ya Tikereke, leyi yi nga ta humesela misava antikreste, ha dinominexini. Walowo i

Ntiyiso hakunene. Ndzi ngaka ndzi nga hanyi ku ta swivona. Ndzi pfumela leswaku a ndzi nge hanyi. Kambe, n'wina vanhu lavantsongo, mi swi tsundzuka leswaku mi twe muministara a swivula sweswo. Sweswo swi ta humelela eku heteleleni. Kutani walowo i mfungho wa xivandzani, loko a ta vumba Khansele ya Misava ya Tikereke. Kutani u ta tswala n'wana, loyi ku nga antikreste.

¹⁷⁰ Leyin'wana yi endliwe muyimani hi Rito ra Xikwembu nakona yi ta tswala Miri, Miri lowu wu hetisisiweke wa Yesu Kreste, laha ku nga Mutekiwa. Miri wa Kreste a wu se hetiseka sweswi. I vangani lava va switivaka sweswo? Wanuna ni wansati va un'we. Kutani Kreste u Miri wun'we, na Rito. Mutekiwa u tava a ri Miri hinkwawo. Kutani leswi mbirhi, kun'we, swi endla Miri wun'we nakambe. Kukotisa Adam loyi a ri emasunguleni: wanuna, nsati wa yena, va un'we. Sweswi, Wansati, Mutekiwa wa ntiyiso, u tixavisele eka Yena, Wansati yaloye a nga ha tirhisi miehleketo leyi yi nga ya Yena. Kambe miehleketo ya Kreste, hakunene, i ku rhandza ka Yena, nakona ku rhandza ka Yena i Rito ra Yena.

¹⁷¹ Sweswi langutani eka loyi a tivulaka mutekiwa loyi a nga hlawula hi munhu, kutani mi pimanyisa wa ximoya ni wa ntumbuluko wa namuntlha, Yezabele wa ximanguva lawa loyi a nga loyiwa hi Akab wa yena, vumbhurhi bya Max Factor, hinkwaswo. Langutani kereke, hi ndlela yo fana, kambe ngwavavani eka Rito ra Xikwembu lexi xi hanyaka; tidinominexini letikulu, miako leyikulu, mali leyikulu, mihole leyikulu, hinkwaswo swi xaviswiwe. Vavanana wa yimile ephulphitini va ri karhi vachivirikela sweswo leswaku hinkwaswo swi ntiyiso, ni ku va pfumelela va tisekela ha swona. Ntsena ku xisa, hi swona hinkwaswo sweswo. Hi ntiyiso i Nguva ya Kereke ya Layodekiya ya bofu, ntsena hilaha Biblele yi nge teri yi tava ha kona. "Yi ku, 'Ndzi mufumi. Ndzi tshamile tani hi hosikazi. A ndzi pfumali nchumu.' Nakona a wu swi tivi leswaku u xisiwana, u mupfumari, u bofu, u wa khombo, a wu ambalanga: nakona a wu switivi." Loko sweswo swi nga ri LESWI HOSI YI SWI VULAKA, Nhlavutelo 3, a ndzi Yi hlayanga. Sweswo hi leswi a nga xiswona, nakona a nga switivi! Ehleketani ha swona.

¹⁷² Loko u nga byela wanuna kumbe wansati, exitaratani, loyi a nga xwela a nga ambalanga, kutani u va byela leswaku a va ambalanga, kutani va ku, "Tiva ta wena," hikokwalaho ka yini, kuni ku hambana ka miehleketo kun'wana lahaya. Ku ni swin'wana swi nga hoxeka hi miehleketo ya vona.

¹⁷³ Kutani loko u nga hlava Rito ra Xikwembu, leswi vanhu va fanelaka ku swi endla, nakona nkhuvo lowu wa Moya wo Kwetsima lowu hi nga na wona namuntlha, nakona, vanhu,

hikokwalaho, va ku languta tani hiloko u hlangane nhloko. Loko u va byela, “Leswaku mi fanele. . . Va fanele ku tswariwa ra vumbirhi. Va fanele ku pfumela BibeLe.”

¹⁷⁴ Va ri, “Walowo a wu ri ntsheketo wa Xiyuda, kuringana malembe yo hlaya lawa ya nga hundza. Kereke ya hina yi ni ndlela.” U mupfumari, wa khombo, bofu, a wu ambalanga, kutani a wu switivi hambu kuri ku swi tiva. I yini. . . Kutani BibeLe yi vula sweswo hi xiyimo lexi va nga eka xona.

Xana swi nga endlekisa ku yini eka muprofeta wa ntiyiso a hupa ku swivula xana? A ndzi switivi.

¹⁷⁵ Ku hlalukela eka hinkwato tikereke ta hina, hinkwako. Ntsena ti langutiseni, ntsena eka ringole ra ximanguva lawa. “Muoswi wa khale ni vanhwenyana,” va Nhlavutelo 17, a nyikaka “swisiwana, mabofu, vappumari” vanhu va yena dyondzo ya ntivo-vukhongeri lebyi byi hambanaka na Rito ra Xikwembu. “Kutani va kume eka yena mimoya ya mahlonga, ni vavanuna na vavasati va—va hinkwako.” Ematshan’wini ya ku koka rinoko ra vanhu. . .

¹⁷⁶ Krete wa ha tiyisisa Rito ra Yena, leri ri kokaka rinoko ra vanhu. A nga koki rinoko ra vanhu lava va nga etikerekeni lava nga kokiwa rinoko hi vukulu bya dinominexini ni leswikulu swi endliwaka, ni leswikulu leswi swi yaka emahlweni ni swilo swo pfumala ripfumelo. Kambe Rito ra Xikwembu ri koka rinoko ra Mutekiwa wa Krete.

¹⁷⁷ Sweswi xiyisisani. Swa tsakisa ku—ku xiyisisa hilaha leswi—leswi kereke yi ringetaka ha kona ku koka rinoko ra vanhu hi swiambalo swa kahle ni swiambalo swa tikhwayere, ni vavasati lava va bobeke misisi ni swikandza leswi swi pendiweke. Kutani va ehleketa. . . Nakona yi yimbelela kukotisa Ntsumi. Yi hamba kukotisa javulosi, yi tsutsuma hinkwako na vusiku yi ya a gigini, a yi ehleketi nchumu ha swona. Kutani sweswo hi swona leswi va swi ehleketaka, “Ri kahle. Sweswo swi sasekile.” Kambe, ma swi vona, sweswo hi leswi swi nga endliwa swa vunwa. Rero a hi rona Rito ra Xikwembu.

¹⁷⁸ Loko, Mutekiwa wa ntiyiso a koka rinoko ra Xikwembu, hi ku hlayisa Rito ra Xona. Sweswi xiyisisani. Sweswi a hi tekeleni Krete enhlokweni.

¹⁷⁹ Mi ri, “Kunene, sweswi, yimani nyana, vumbhuri lebyi u vulavulaka hi byona ke?”

¹⁸⁰ BibeLe yi teri, eka Esaya 53:2, leswaku, loko Yesu a ta, “A kuri hava ku saseka ka Yena, loku hi nga ku tsakelaka eka Yena.” Hi swona sweswo? [Nhlengeletano yi ku, “Amen.”—Muhleri.] Ku hava ku saseka. Loko A lo ta eka misava ya vumbhuri, tani hilaha Sathana a nga xiswona namuntlha, vanhu a va tava va n’wi tsutsumerile va ya N’wi rhendzela

niku N'wi amukela hi ndlela leyi va swi endlisaka xiswona eka kereke namuntlha. A va tava va N'wi pfumerile, va N'wi amukela, tani hilaha va swi endlelaka Sathana namuntlha. Hakunene-nene, va swi endla. Kambe A nga ti hi muxaka walowo wo saseka, kambe minkarhi hinkwayo U ta hi ku saseka ka vumunhu. Kwalahaya, Krete a nga sasekanga, a ri lonkulu, wo tiya, Wanuna wa miri. Xikwembu a xi kali xi hlawula maendlelo ya lawa.

¹⁸¹ Ndzi tsundzuka nkarhi wun'wana laha muprofeta a nga ya a—ya teka hosi, ku endla hosi hi n'wana wa jaha wa Yese, ku ta teka ndhawu ya hosi yin'wana, Saul. Kutani Yese u n'wi humesile, vukahle bya yena, ni vukulu, jaha ra kahle. A ku, “Xidlodlo xi ta languteka kahle, ehenhla ka nhloko ya yena.”

¹⁸² Muprofeta u yile a ya n'wi chela mafurha. A ku, “Xikwembu xi n'wi arile.” Kutani Xi arile un'wana na un'wana wa vona, kukondza laha a fikaka eka lontsongo, wa khale wa makatla yo voyama, nakulorhi loyi a languteka a karhata. Hiloko a n'wi chela hi mafurha, kutani a ku, “Xikwembu xi n'wi hlawurile.” Wa vona? Hi hlawula hi ku vona. Xikwembu xi hlawula hi vumunhu.

¹⁸³ Vumunhu, a ku se tshama ku va ni vumunhu byo kotisa bya Yesu Krete. Byi hanya eka n'wina ni ku kombisa Yena. Ha swi vona leswaku i ntiyiso. A hi ku saseka ka misava ya Yena loku ku kokaka rinoko ra Mutekiwa wa Yena. I vumunhu bya Yena, vumunhu bya Kereke, lebyi Yesu a byi langutaka; ku ngari laha ku nga ni miako leyikulu, laha ku nga na tidinominexini letikulu, laha ku nga na vuxirho lebyikulu. U tshembhisile ku hlangana ni vambirhi kumbe vanharhu laha va hlanganaka kona. I ntiyiso. Kwalaho hilaha mupfumeri wa ntiyiso a wiselaka eka ku tshembha ka yena, hi le henhleri ka Rito lero ra Xikwembu leri ri nga kombisiwa eka Ntiyiso, lowu wu nga wona. U hlawula ku ya hi Rito ra Yena, kungari ntlawa lowu wu rhandzekaka wa misava. Va swi venga sweswo.

¹⁸⁴ A swi hlamarisi loko yi N'wi tharile, hikuva yi hupile nhlavutelo wa Yena, nakona a yi na wona. A nga hari na mhaka na yena, hi ndlela leyi a endlisaka xiswona ni maendlelo, ni hilaha a nga na maendlelo yo tala ya misava.

¹⁸⁵ U langutele vumunhu bya yena, vumunhu bya Krete. Sweswi, ntsena xinkadyana sweswi. Hi swona sweswo. U hlawula Mutekiwa ku ta va xivonivoni xa vumunhu bya Yena, hilaha tikereke ta ximanguva lawa ta namuntlha hakunene ti hupaka nongonoko wa Xona—Xona lahawani, miliyoni wa timayili, hikuva va ala *Leswi* leswaku i Ntiyiso. Swingaleswi swi ngava njhani xana? Sweswi, U langutele siku ra Mutekiwa yaloye leswaku a ta vumbiwa, Vaheveru 13:8, ntsena tani hilaha a Ri ri xiswona, tani hilaha A ri xiswona. Yi fanele yi va yi ri nyama ya Yena, marhambu man'we, Moya wun'we, hinkwaswo

swin'we, ntsena swi akiwa hi ku hetiseka, kutani vona ha vumbirhi va va un'we. Ku kondza kereke yi va xisweswo, a va un'we. Vumunhu bya Yena, Rito, ra nguva leyi, ri fanele ri vumbiwa. Yi fanele ku vumbiwa kukotisa leswi A nga xiswona.

¹⁸⁶ Sweswi, hi ku pfala, ndzi lava kuvula xivangelo xa kuva ndzi vula swilo leswi, kutani ndzi ta—ndzi ta pfala. Vusiku byin'wana, kwalomu ka awara ya nharhu ni mixo, a ndzi pfukile.

¹⁸⁷ Ndzi teka un'wana wa n'wina leswaku a hlamula leswi. Xana ndzi tshame ndzi mi byela swin'wana hi Vito ra Hosi leswi a swi nga ri ntiyiso ke? Minkarhi hinkwayo swi tshama swi ri ntiyiso. [Nhlengeletano yi ku, "Amen."—Muhleri.] Swingaleswi ndzi pfuneni, Xikwembu xa switiva leswaku sweswo i ntiyiso. Kuhava na un'we, ku hava emisaveni, eka magidi ya swilo leswi swi nga vuriwa, laha A nga tshama a hupa rito rin'we ra swona. Minkarhi hinkwayo swi humelela hi ku hetiseka.

¹⁸⁸ Hambi loko ndzi ri ePhoenix, siku rin'wana, kumbe kwalomu ka lembe leri nga hundza laha a swi ri kona, kutani ndzi mi byerile hi Hungu lero ra—ra leswaku *I Nkarhi Muni, Vakulukumba?* Kutani ndzi mi byerile leswaku, "Tintsumi ta Nkombo ti ta hlengeletana lahaya," kutani ti ta pfula Swilemo leswi, ni swin'wana. Kutani kwalahaya magazine wa—wa *Life* wu hlaysile a tikile ya swona, ku Pfurha loku lokukulu a kuya ehenhla emoyeni, makume nharhu wa timayili kuya ehenhla, makume mbirhi nkombo wa timayili ku ya ematlhelo. Va teri a va nge swikoti ku humesa leswi a ri ri xiswona; a va switivi na sweswi. Kutani vavanuna lava va nga tshama lahawani emuakwini lowu vusiku lebyi, a va yimile na mina kwalahaya loko swi humelela, ntsena kuya hi leswi Ri nga swivula. U ndzi byerile swilo leswi a swi ta eku humeleleni, nakona swi humelerile hi ndlela ya liya. Hi laha xin'wana na xin'wana xa Swilemo leswi swi nga pfuriwa hakona, niku vula swihundla leswi swi nga fihliwa kusukela ehansi eka tinguva ta vona ta tirhifomasi ni kuya emahlweni, ntsena hi ku hetiseka.

¹⁸⁹ Hilaha, ku yimeke enhlohlorhini ya xiganga, vavanuna, vanharhu kumbe mune wa vona lava a va yimile va kona kwalahawani sweswi, ina, vo tlula valava. Va yile va ya gonya xiganga, Moya wo Kwetsima wu teri, "tlakula tamba lero." A hi ri eku hloteni. U teri, "Ri hoxele emoyeni, kutani i ku, 'HI LESWI HOSI YI SWI VULAKA.'" Ndzi swi endlile. Kwalahaya ku ta chimele ya moya. Ndzi ku, "Ku nga se hela tiawara ta makume mbirhi-mune, u ta vona voko ra Xikwembu." Vavanuna lava va nga tshama lahawani a va ri kona.

¹⁹⁰ Hi siku leri tlhandlamaka, kwalomu ka awara ya khume, loko hi yimile kwalahaya, ndzi ku, "Ti lulamiseleni. Nghenani endzeni ka movha lahaya," xidyuhati. Ndzi ku, "Swin'wana

swi lava ku humelela.” A kuri xibakabaka lexi xi baseke, ehenhla eka goji ro enta. Ku xika Ndzilo lowu a wu hunga wu humaka eTilweni, ntsena hi ku tika tani hilaha Ri nga huwelela ha kona, riba makhumbhi tani hi sweswo. A ndzi—ndzi yimile ehansi ka Rona. Ndzi hluvule xihuku xa mina, ndzi khomelela nhloko ya mina. Ri te kwalomu ka tifti tinharhu kumbe mune wa tifti ehenhla ka mina, kutani ri tsema khele ri nembelela kwalahaya eka khumbhi lero tani hi sweswo, kutani ku buluka. Kutani ri tlhelela endzhaku emoyeni, ri tlhela ri hunga nakambe, ri xikela ehansi, ka nharhu, hambile leswi a swi tika ku tsema ehenhla ka swihlahla swa nhova, ku ringana madzana mambirhi wa majarata. Ndzi twa vanakulorhi va vona va ku, “Amen”? A va ri kwalahaya loko swi humelela, wa vona, kutani ri endla ku buluka ko ringana ka nharhu.

¹⁹¹ Loko va huma endzeni ka timovha na swin’wana, va tlhelela endzhaku, ndzi ku, “Sweswo swi ta mi ba, a kuri hava na xivati xa grisi.”

¹⁹² Ndzi ku, “A Ri ri—a Ri ri Yena. A ri eku vulavuleni na mina.” Xikwembu xi vulavula hi xihuhuri. Wa vona? Kutani kwalahaya a kuri na Langavi lero ra Ndzilo leri mi ri vonaka eka xifaniso, ri yimile lahaya.

Kutani loko Ri taya ehenhla, va teri, “I yini xana?”

Ndzi ku, “Ku avanyisa kule ku beni ka West Coast.”

¹⁹³ Hi siku ra vumbirhi kusukela kwalahaya, Alaska a yi lava ku mbombomela. Wa vona? Ri be kan’we, kwalahaya, ku pfurhetela ko sungula.

¹⁹⁴ Kwihi, mi fanele ku endla swin’wana, ku swi kombisa. Ku kotisa wanuna loko a chela munyu embiteni, kutani a yi hoxa ematini, kutani a ku, “HI LESWI HOSI YI SWI VULAKA, lahaya a kuve ni mati yo nyanganya.” Kutani un’wana, Yesu a ka mati a ma chela ejekeni, kutani—kutani a endla wayeni ha wona.

¹⁹⁵ U fanele ku va ni swin’wana, ku kombisa. Sweswo hi leswi a swi ri xiswona, sweswo swi yile ehenhla emoyeni swi tlhela swi vuya ehansi. Sweswo swi sungurile xihuhuri nyana lexi ntsongo. Ku nga se hela tiawara ta makume mbirhi-mune, Ri ninginisile ntshava yaleyo ku kondza ri tsema xiganga ku rhendzeleka hi yona.

¹⁹⁶ Muf. Nkul. Blair u tshamile kwalahawani, ndzi langute eka yena sweswi, a ri ehenhla kwalahaya a rhwalela swin’wana swa swiphemu swa yena, ni kuya emahlweni. Lahawani hi loyi Terry Sothmann, vona, kutani va yimile kwalahawani, na Billy Paul. Ni vamakwerhu, ni van’wana votala lava va nga tshama kwalahawani, lava a va ri kwalahaya va swi vona loko swi humelela Ri yi handzula.

197 Sweswo a hi fikixini. I ntiyiso wa lowo. Sweswo a swi nga ri kona emasikwini ya Bibe. Sweswo i swa sweswi. Wa vona? [Nhlengeletano yi ku, “Amen.”—Muhleri.] Xikwembu xexo xifanaka lexi minkarhi hinkwayo xi ndzi kombisaka swilo leswi, nakona swa humelela, hakunene kuya hi papila. Ku hava ni lexi xi nga tshama xi tsandzeka ni kan’we. Sweswi ndzi ti dzunisa ha Yena.

198 Mavhiki yantsongo lawa ya nga hundza, a ndzi ri eka xivono. Kutani a—a ndzi yimile endhawini ya le henhla, kutani a ndzi fanele ku vona ku kombisiwa ka Kereke. Kutani ndzi tekerile enhlokweni, ku ta loku ku humaka eka... A ndzi yimile kukotisa hi ndlela *leyi*, ndzi langute eVupela-dyambu. Kutani ku ta hi ndlela *leyi* a kuri ni ntlawa wo rhandzeka wa vavasati, va ambarile ku saseka hakunene, ni misisi yo leha *leyi* yi nga lulamisiwa kahle endzhaku, mavoko ya swale mirini, na swikete leswi swi nga ya ehansi ku saseka. Kutani hinkwavo a va ri eka chuni yo macha, ku fanana, “Lava ya ka emahlweni, masocha ya Vakreste, va macha kukotisa loko va ya enyimpini, va ri na xihambano xa Yesu lexi xi nga va rhangela.” Kutani tani hiloko va hundza hi le kusuhi, ndzi yimile, kutani kwalahaya a kuri ni Swin’wana kwalahaya, Moya wun’wana, a kuri Xikwembu, kutani xi ku, “Hi luya Mutekiwa.” Kutani ndzi langutile, kutani mbilu ya mina a yi tsakile. Kutani hiloko a famba a jika hi ndlela *leyi*, kutani a hundza hi le kusuhi na mina.

199 Endzhaku nyana, loko a tlhela a vuya hi ndlela *leyi*, Ri ku, “Sweswi kereke ya ximanguva lawa yi ta ta eku kombisiweni.” Kutani lahawani ku ta kereke ya Maejiya. A ndzi se tshama ndzi vona ntlawa walowo wo thyaka.

200 Lahawani ku ta tikereke tin’wana, ta matiko yo hambanana. A va languteka va chavisa.

201 Kutani ndzi—ndzi vula leswi hi kuva ndza boheka kuvula ntiyiso, emahlweni ka Xikwembu. Kutani loko A te, “Lahawani ku ta kereke ya Amerika sweswi, yi ta kombisiwa.” Loko ndzi tshame ndzi vona ntlawa wa vajavulosi, a wu ri walowo. Vavasati va vona a va hluvurile va nga ambalanga nchumu, va ri ni nchumu lowu a wu languteka, wuri wa mpun’wa, kukotisa muhlovo wa lexi ndlopfu yi ti tumbetaka ha xona. Kutani a va xi khomile emahlweni ka vona, kuri hava xiphemu xa le henhla xa yona eka hinkwaswo. Kutani a va ri eku endleni ka maendlelo lawa, leswaku, mincino *leyi*—*leyi* vana lava va yi endlaka lahawani, ku tisoa-soha kwaloku na swin’wana, ni muxaka walowo wa vunanga lebyi byi yaka emahlweni. Kutani loko ndzi vona N’wa-mbhurhi wa U.S.A. a ta, a ndzi lava ku titivala.

202 Sweswi, leswi hi LESWI HOSI YI SWI VULAKA. Ma ndzi pfumela leswaku ndzi nandza wa Yena. Ma ndzi pfumela

sweswi. A ndzi nge swi vuli sweswo loko kuruku a swi nge pfuni nchumu eka misava. Ku hava mali leyi yi eneleke eka misava hinkwayo leyi yi nga ndzi endlaka ndzi vula leswi swi nga riki swa ntiyiso.

²⁰³ Kutani loko a ta hi le kusuhi, walowo a wu ri nchumu lowu a wu languteka wu thyake ngopfu lowu ndzi nga se tshamaka ndzi wu vona. Ndzi ehleketa, “Xikwembu, tani hi ku tika tani hi vachumayeri na hina vamakwerhu hi vile ni switlhavi swa ku Ku kumela Mutekiwa, kutani sweswo hi swona swo antswa hi nga swi endlaka.” A ri eku soha-soheni, a khomelerise xi *leswi* emahlweni ka yena, ku kotisa xin’wana xa swikete leswi swa nchumu wa hula, a xi khomelerile emahlweni ka tiphatsi ta yena, xiphemu xa yena xale hansi, ku kotisa *leswi*, va ri karhi va densa niku soha-soha ku kotisa vana lava va swi endlaka lahawani eka . . . eka minkombiso leyi ya mikhuva yo biha leyi va nga na yona, va ri karhi va soha-soha. Yaloye a ri N’wa-mbhurhi wa Mukreste wa Amerika.

²⁰⁴ Swingaleswi a xi ndzi pfuni, ku pfuniwa hi Xikwembu, sweswo hi leswi swi langutekisaka xiswona exikandzeni xa Xona. Ndzi—ndzi ntsena . . . Ndzi sungula . . . A ndzi tava ndzi titivarile. Ndzi ehleketa, “Ku ringeta hinkwako, niku chumayela, niku khorwisa?” Un’wana na un’wana wa vona a ri ni misisi leyi yi bobiweke, nakona a va ri eku soha-soheni ni kuya emahlweni, va khomile *leswi* emahlweni. Va tile, laha a ndzi yimile kona ni Xivumbiwa lexi xi nga riki xa ntumbuluko. A ndzi swikotanga ku N’wi vona. A ndzi N’wi twa loko a vulavula na mina; a ri kwala a ndzi ri kona. Kambe loko va hundzuluka hi ndlela *leyi*, va vurile *leswi*. Ntsena va ri eku tisoa-soheni va tlhela va hleka ni kuya emahlweni, va ya emahlweni tani hi sweswo, va khomelerise xi *leswi* emahlweni ka vona.

²⁰⁵ Sweswi, mina a ndzi yimile eVukoneni bya Yena kwalahaya, na nandza wa Xona. “Kutani hinkwaswo ndzi swi ringetile, swo antswa leswi ndzi nga swikotaka?” Ndzi ehleketa, “Xikwembu, hi swihi swa kahle leswi xi ndzi endlalaka swona xana? Xana hi swihi swa kahle swi swi endlaka? Ku rila hinkwako, niku kombela, niku khongetela, ni masingita lamakulu ni swihlamariso ni mahlori lawa U nga ya kombisa. Ni hilaha ndzi nga yimisa xiswona lahaya, kutani ndzi ya ekaya ndzi ya rila endzhaku kaloko ndzi tava ndzi va chumayerile ni swin’wana, kutani hi swihi swa kahle swi ndzi endlalaka swona xana? Kutani ndzi fanele ku tisa swin’wana swo kotisa sweswo eka Wena, swa Mutekiwa?”

²⁰⁶ Kutani tani hiloko ndzi yima lahaya, ndzi languta, u hundzile hi le kusuhi. Kutani mi nga ha xi anakanya xiphemu xa nhlana wa yena, kuri hava nchumu a nga ambala, a khomise *leswi* emahlweni ka yena tani hiloko a hundza ni miri lowu

a wu vonikela, tani hi sweswo, eka ku tiso-ha-soha loku, a ri karhi a hoxetela swirho swa yena hi ndlela yaleyo. Kutani, yena, oho, a kuri mukhuva yo biha, hilaha a ya emahlweni ha kona, miri wa yena wuri karhi wu khinyaveza hi ndlela ya leyo. Sweswi ndzi. . .

207 Mi ri, “Swivula yini, Makwerhu Branham?” A ndzi tivi. Ntsena ndzi mi byela leswi ndzi nga swi vona.

208 Kutani loko a tava a hundzile hi le kusuhi tani hi sweswo, ndzi n’wi langutile. Oho, ntsena ndzi titivarile hakunene. Hiloko ndzi hundzuluka. Ndzi ehleketa, “Xikwembu, ndzi soriwile. Ku hava—ku hava xilaveko eka mina xo ringeta hi ndlela yin’wana. Ntsena ku nga hava ku ri ku tshika.”

209 Manana Carl Williams, loko u tshamile lahawani, kutani norho luwa u nga ndzi byela ha wona, xinkadyana lexi xi nga hundza, lowu a wu ri na wona vusiku byin’wana, lowu a wu ku karhata, hi luwa lahaya. Xidirhayivha xa mavhilwa xi tekiwile evokweni ra mina.

210 Kutani, ntsena ndzi ehleketa, “Ndzi—ndzi nga hava ndzi wu rivarile.” A ndzi fambile.

211 Kutani, xikan’wekan’we, ndzi Ri twile ri vuya nakambe. Ni kuta loku a ku huma hi tlhelo *leri* kuta Mutekiwa ya luya loyi a nga famba hi ndlela *leyi*. Lahawani ku ta vamanana lava ntsongo va vona nakambe, kutani un’wana na un’wana wa vona a va ambarile hi maambalelo ya vona ya tiko hinkwaro ya laha va humaka kona, ku kotisa Switzerland, Germany, ni kuya emahlweni, un’wana na un’wana a ambarile ma ambalelo ya muxaka walowo, hinkwavo va ri ni misisi yo leha, ntsena ku kotisa un’wana loyi a ri emasunguleni. Kutani lahawani a va ri eku teni, va ri karhi va famba. “Lava yaka emahlweni, masocha ya Vakreste, va macha tani hiloko va ya enyimpini.” Kutani loko hinkwavo va hundza hilaha ku kombisiwaka kona laha a hi yime kona, ntsena hinkwavo xikan’we, tihlo rin’wana na rin’wana a ri Famba hi ndlela ya leyo. Kutani hiloko va hundzuluka, kutani va ya emahlweni, va macha.

212 Kutani ntsena tani hiloko va sungurile ku famba va ya ehenhla eswibakabakeni, lon’wana a ya ehenhla enhlohlorhini ya ntshava a tlhela a ya ehansi, kukotisa *sweswo*.

213 Loyi a sungula ku macha a ri karhi a ya eswibakabakeni. Kutani loko va famba va ri karhi va macha, ndzi tekerile enhlokweni vunyingi bya swinhwenyatana endzhaku, va ri karhi va languteka tani hiloko va ri vanhwana va matiko mambe, kukotisa Sweden kumbe Switzerland, kumbe kun’wana. Va sungurile ku halahala, kutani va va. . . Ndzi ku, “Mi nga swi endl! sweswo! Mi nga humi eka xitepe xexo!”

Kutani loko ndza ha huwelela ku kotisa sweswo, ndzi fikile laha, eka xivono, ndzi yimeke kwalahaya na voko ra mina ri humile hi ndlela ya *leyo*. Ndzi ehleketa, “Kunene . . .”

²¹⁴ Hi xona xivangelo ndzi vulaka leswi ndzi nga na swona, madyambu lawa. Ndzi lava ku mi vutisa xivutiso. Swi kusuhi kutlula hilaha hi ehleketisaka xiswona? A nga hava kuri khale a vitaniwile kumbe a hlawuriwile, a lemeriwile a fambile? A ku ngevi na un’we wo engetela, ma swi tiva. Swi nga ha endleka xana? Oho, ina. Oho, ina.

²¹⁵ Ma swi tsundzuka leswi ndzi nga swivula, siku rin’wana eka ku fihlula. Eka pholene yo tswarisa xa xinuna ni xa xisati, ku ni miliyoni wa rimbewu leri ri yaka emahlweni, miliyoni wa matandza ya ya emahlweni. Kambe ku ni rin’we ra wona ri hanyaka, nakona, hambu swi ri tano, ntsena ya fanana hinkwawo ka wona: rin’we eka miliyoni ya wona. Rin’wana na rin’wana ra wona, tandza rin’we na muhlovo wun’we wa rimbewu. Rin’we ra wona ra hanya. Lawa yan’wana ya fa.

²¹⁶ Ku hava na un’we loyi a nga vulaka leswaku hi rihi rin’we tandza leri ri nga vupfa, nakona, oho, lerin’wana ke. Xikwembu xi ta fanela ku kunguhata leswaku, leswaku hambu kutava kuri mufana kumbe nhwenyana, blondo kumbe brunette, kumbe hambu ku tava kuri yini. Xikwembu xa kunguhata sweswo. Ku ngari hi ku hlangana ka ro sungula, kambe ro sungula Xikwembu xa kunguhata. Kumbexani un’wana u ta a huma *lahawani*, kutani un’wana . . . Loko mi tshame mi switekela enhlokweni, eka testchubu, ku ma vona loko ya ta swin’we. ndzi ma hlalerile. Xikwembu hi xona xi nga ta swi kunguhata sweswo. Rin’we, rin’wana na rin’wana ra wona, ntsena ya fanana, ku tswariwa ka ntumbuluko ku ya hi nhlawulo. Xikwembu xi teka rin’we eka miliyoni.

²¹⁷ Loko Israel ri ta sukela Egipta, eka ndlela ya vona yo ya etikweni ra xitshembhiso, a va ri kwalomu ka mamiliyoni ya mbirhi ya vanhu. Un’wana na un’wana wa vona a ri ehansi ka gandzelo ra xinyimpfana, kumbe a va tava va nga hanyanga. Un’wana na un’wana wa vona u yingiserile Muxe, wa muprofeta. Un’wana na un’wana wa vona u khuvuleriwe eka yena, eLwandle ro Ntshwuka. Un’wana na un’wana wa vona u cinile, vavasati va ri na Miriam, ehenhla nale hansi etlhelo ka (rini) ribuwa ra lwandle, loko Xikwembu xi hlasela nala. Un’wana na un’wana wa vona u yime na Muxe, ni kuva va n’wi twa a yimbelela eMoyeni. Vona, un’wana na un’wana, va dyile mana ya mananga, lawa a yawa ya huma eTilweni. Mana yantshwa, madyambu man’wana na man’wana, laha ku nga xifaniso xa Hungu, un’wana na un’wana wa vona u dyile eka wona. Kambe, ehandle ka mamiliyoni mambirhi, i vangani lava va nga swi endla xana? Vambirhi. Un’we eka miliyoni.

218 Ku ni kwalomu ka ntlhanu wa madzana wa mamiliyoni wa Vakreste lava va nga emisaveni vusiku lebyi, hi ri karhi hi hlaya na Khatholiki ni hinkwavo. Ntlhanu wa madzana wa mamiliyoni ya lava va tivitanaka vapfumeri emisaveni. Loko ku Vutliwa ku nga ta evusikwini lebyi, sweswo swi ta vula leswaku. . . loko ku hlayiwa un'we eka miliyoni. A ndzi vuli leswaku swi tano. Kambe loko swi ri tano, ntlhanu wa madzana ya vanhu, eka tiawara leti ti landzelaka ta makume mbirhi-mune, va tava lava va lahlekeke. A mi nge swi twi hambi kuri ku swi twa. Kutava ni valava votala va nga lahleka, hi ndlela yin'wana, a va nge hlayiwi hambi kuri ku hlayiwa.

219 Kutani swi tava tano, swi nga ha humelela nale ka hina, munghana, kukotisa hilaha swi nga endleka loko Yohana Mukhuvuri a tata. Hambi kuri vadyondzisiwa va teri, "Hikokwalaho ka yini Matsalwa ya ku, hikokwalaho ka yini va—va apostola kumbe vaprofeta va ku, hikokwalaho ka yini yi ku Eliya u fanele ku ta ku sungula a ta tlherisela hinkwaswo?"

220 A ku, "Ndzi ri eka n'wina Eliya u tile, kambe a mi swi tivanga."

221 Rin'wana ra masiku lawa hi ta kumeka hi sele hi tshame kwala, "Ku ta humelela yini hi ku Vutliwa ku nga se fika mahlomulo xana?"

"Khale ku tile kambe a mi swi tivanga."

222 Miri hinkwawo, wu lemeriwile endzeni, ntsena wu le ku Ri hlayiseni exitepeni. A ndzi vuli leswaku swi hi ndlela ya leyo. Ndzi tshembha leswaku a swi hi ndlela ya leyo. Kambe, munghana, loko ku nghena. . .

223 Loko hi titwa etimbilwini ta hina, madyambu lawa, leswaku hi ta tiyisisa vutomi bya hina, ni swilo leswi hi nga swi endla, mi nge ndzi mi tsundzuxa, tani hi makwerhu wa muministara. Ndzi ya eku vuleni ka leswi ro sungula, ephulphitini. Ndzi tlharhamurile kuya emahlweni madyambu lawa, eka *Leswi*, kutlula loko ndzi ri eka swin'wana, nkarhi wun'wana, hi ndlela yin'wana, emahlweni ka vanhu, hikuva ndzi ni ntshuxeko lowukulu eka tinhlengeletano leti. Loko mi ndzi pfumela leswaku ndzi muprofeta wa Xikwembu, yingisani leswi ndzi mi byelaka swona. Loko kuri niku dikidiwa nyana ka vutitwi embilwini ya n'wina, mi ya eka Xikwembu sweswi. Ma swi endla.

224 Yimani nyana swintsongo, vavanuna. Langutani eka mikhuva ya—ya n'wina leyi mi yi tirhelaka. Langutani eka tikereke ta n'wina. Xana yi famba na Rito ra Xikwembu xana? Xana ma hlangana ni swilaveko hinkwaswo xana? Mi ri, "Ndzi munhu wa kahle." Hi leswi a swi ri na Nikodema, kutani swi tano nile ka vanhu hinkwavo. A va—va ri kahle. Wa vona? Sweswo a swi na nchumu lowu swi nga wu tirhaka ha Rona.

225 Kutani, vavasati, ndzi milava leswaku mi languta exivonini, kutani mi vona leswi Xikwembu xi swi lavaka eka wansati leswaku a swi endla. Kutani mi vona eka xivoni xa Xikwembu, ku ngari eka xivoni xa kereke ya n'wina sweswi, eka xivoni xa Xikwembu; kutani mi vona loko mi nga ringanela, evuton'wini bya n'wina, Mutekiwa wa ximoya wa Yesu Kreste.

226 Vaministara, ehleketani swo fana na n'wina. Mi tsema tikhona *lahawani*, hi ku tirhela switwi swa un'wana lahaya? Mi nga ha swi endla *leswi* loko a swi nga ri. . . kutani vata mi hlongola etikerekeni? Loko mi titwisa xisweswo, makwerhu wa mina la rhandzekaka, mi nge ndzi mi tshinya, hi Vito ra Yesu Kreste, hahani eka sweswo sweswi.

227 Kutani, manana, loko u nga pimi kuya fika eka swilaveko swa Mukreste, ku ngari ntsena tani hi Mukreste la nga riki xidzi; kambe embilwini ya wena, ni vutomi bya wena byi fambelana kukotisa xithifikheti xa vukati bya Xikwembu lahawani xi fanelaka kuva xiswona.

228 Kutani, xirho xa kereke, loko kereke ya wena yi nga kotisi xiswona sweswo, u nga ha pima kuya fika eka swilaveko swa Xikwembu swa Rito ra Xona, huma eka yona u nghena eka Kreste.

229 Xexo i xitshinyo xa xichavo. A hi wu tivi nkarhi, na n'wina a mi wu tivi leswaku wu tava nkarhi muni, leswaku doroba leri siku rin'wana ri taya ri ya pavalala lahawani endzeni ka lwandle leri.

230 “Oho, Kapernaum,” ku vule Yesu, “wena la ti tlakuseleke etilweni, u ta vuyiseriwela ehansi etiheleni. Hikuva, loko mintirho ya matimba yi endliwile eSodoma na Gomora, ya ha yimeli na siku leri.” Kutani Sodoma, Gomora yi pavalarile endzeni ehansi ka Lwandle ra ku Fa. Na Kapernaum rile hansi endzeni ka lwandle.

231 Wena doroba, wena u koxaka kuva doroba ra Tintsumi, wena u nga ti tlakusela ehenhla etilweni, niku rhumela thyaka hinkwaro, swilo leswi swi thyakeke swa fexeni na swin'wana, ku fikela laha matiko mambe ya taka lahawani ya ta rhwala thyaka ra hina ya ri rhumela ekule, eka tikereke ta wena ta kahle ni swihlungwana, ni kuya emahlweni, hi ndlela leyi u yi endlaka. Tsundzuka, siku rin'wana u ta pavalala endzeni ehansi ka lwandle, xihlenge xa wena xa vulombe xa kahle lexi xi nga ehansi ka ku pfumelela ka wena sweswi. Vukarhi bya Xikwembu byile ku geveni ehansi ka wena. Xi ta hlwela ku fika rini kuva Xi khomelerile xigogo xa sava lexi xi nembelelaka eka sweswo? Loko, lwandle lero ri nga halahaya, ku ringana mayili hi ku enta, ri ta rhetemuka kwalahaya, ri nembelela ri tlhelela endzhaku eLwandle ra Salton. Swi tava swi nyanyile kutlula siku ro hetelela ra Pompeii. Hundzuka, Los Angeles.

²³² Hundzukani, hinkwerhu ka n'wina, mi hundzukela eka Xikwembu. Awara ya vukarhi bya Xona yi le henhleni ka misava. Balekani loko ka hari ni nkarhi wo baleka, kutani mi ta e ka Kreste.

A hi khongeleni.

²³³ Xikwembu lexi rhandzekaka, loko emoyeni wa mina, ku ninginika, mbilu ya mina yi thona mihloti ya xitshinyo. Hi nyike, O Xikwembu, leswaku vavanuna ni vavasati va nga ehleketi leswaku leswi ndzi nga swivula i fenyha, ni vanhu va kereke va nga ehleketi leswi ndzi nga swivula tani hiloko kuri fenyha, nakona vanhu va kereke va nga ehleketi hi swona hi ku tatiwa kumbe ku lwisana na vona. Leswaku va nga ha vona, Hosi, swi le ka rirhandzu.

²³⁴ Wena u hlayisaka vumbhoni bya mina, Xikwembu xa matimba Hinkwawo, kuya ehenhla nale hanshi ka ribuwa leri loku ndzi nga ku famba, lembe na lembe, ndzi ri karhi ndzi tivisa Rito ra Wena. Hlayisa vumbhoni bya mina, O Xikwembu, loko swi nga humelela vusiku byebyi, ndzi vule Ntiyiso. Hi Wena u tivaka xivono lexi xa Mutekiwa leswaku xi Ntiyiso. Ndzi tekile Vito ra Wena ha xona, Hosi, nakona ndzi vula leswaku HI LESWI HOSI YI SWI VULAKA. Kutani ndza titwa leswaku ndzi na vutitwi, Hosi, bya leswi ndzi swi endlaka.

²³⁵ Swingaleswi ndza Ku khongela, Hosi, hi Vito ra Yesu, pfumelela vanhu va ti ninginisa hi voxe, vusiku lebyi, kutani va balekela vukarhi lebyi byi taka, hikuva Tingana ti tsariwile eminyangweni na le matikweni. Maraka ya ntima yo kombela yi fikile eka wona. Moya wa Xikwembu wu khomiwe hi tingana wu suka eka wona, kutani va pimiwile eka ku balansa kutani va kumeka va ri karhi valaveka. Nkhuvo wa Hosi Nebukadnetsar wu tlhele wu vuyelela nakambe, hi mintlangu ya swipyopyi ni vavasati lava va nga ambala hafu, va ri karhi va tivitana Vakreste.

²³⁶ O Xikwembu xa Tilo, vana ni tintswalo ehenhleni ka misava leyi ya vudyoho ni vanhu va vudyoho, Hosi, tani hilaha hi nga xiswona vusiku lebyi. Xikwembu, ndzi le ku ringeteni ka ku yima eka ku tshova niku kombela tintswalo ta Vukwembu, leswaku U ta vulavula na ntshungu lowu vusiku lebyi niku vitana Mutekiwa wa Wena leswaku a yingisa, Hosi, leswaku a macha ku ngari hi sayini ya mikhuva yihi kumbe yihi, kambe hi mpfumawulo wa Evhangelu ya Hosi Yesu Kreste. Hi nyike swona, O Xikwembu. Swi endlile leswaku swi tiveka, madyambu lawa, leswaku Wena i Xikwembu, nakona Rito ra Wena ri Ntiyiso. Loko, hi xichavo, emahlweni ka vanhu lava, hi va vitana leswaku va yingisela Rito ra Wena.

²³⁷ Hi Vito ra Yesu Kreste, ndza va khongelela, Hosi. Va Ku vonile, ekusuhi na ndzhuti wa ku kanakana, fambisa u tsemekanya mi tshungu ya vona kutani u va byela leswi swi nga etimbilwini ta vona. Kutani hi Wena u swi tivaka, Hosi, leswaku, kona sweswi, hi swihi leswi swi fambaka. Wena loyi u swi tivaka leswaku i Ntiyiso, O Xikwembu. Kutani ndza Ku khongela, hi Vito ra Yesu, pfumelela Moya wo Kwetsima wu khongelela nakambe, Hosi, kutani koka eka vayingiseri lava, Hosi, vona lava va nga tsariwa eBukwini ya Vutomi ya Xinyimpfana. Hi nyike swona, O Xikwembu. Ndza khongela hi mbilu ya mina hinkwayo.

²³⁸ Vanhu lava, hi ntumbuluko, Hosi, leswaku va nga ha ndzi nyika peni yo hetelela leyi va nga na yona, yo sapota Hungu. Va nga ha endla xin'wana na xin'wana lexi va nga na xona. Kambe, O Xikwembu, loko swi ta eka ku fambelana na Rona, ni ku ta e ka Rona, ndza khongela, Xikwembu, leswaku lebyi byi tava byi ri vusiku lebyi U nga ta va vuyerisela niku chulula Moya wo Kwetsima wa Wena ehenhleri ka khonivhexini leyi. Kutani lahaya ku ngavi na ntsako kumbe ku tlula tlula hinkwako, kambe kuri na ku kolola niku rila, niku hundzuka, va khomelela eka timhondzo ta altari, loko hi vona ku avanyisa ku vumbulukela eka hina, vusiku lebyi. Hi nyike swona, Xikwembu. Ndza khongela hi ku tshembheka tani hilaha ndzi swi tivisaka xiswona, hi Vito ra Yesu Kreste.

²³⁹ Buti wa mina, sesi, a ndzi—ndzi switivi leswaku ndzi nga vula swihi swotala, loko ndzi nga kuma tintswalo emahlweni ka n'wina, hi matimba ya Xikwembu, loko mi ndzi pfumela leswaku ndzi muprofeta wa Yena. Leswi i swo sungula eka mina ku swi vula emahlweni ka vanhu. Kambe ndzi twa xitshinyo xin'wana xo chavisa xa maendlelo yan'wana. A ndzi na tingana eka leswi. Ma swi tiva a ndzi tano. A ndzi endlise xiswona leswi. A ndzi kakanananga ku vulavula Hungu lero niku vula swilo leswi. Ndzi fambe hi le matlhelo ni hinkwaswo, ku swi papalata ku swi endla. Kambe Ri vuriwile, nakona Ri ta yima hi Siku ra ku Avanyisa, tani hi mbhoni leyi ndzi nga vula Ntiyiso. Sweswo HI LESWI HOSI XIKWEMBU YI SWI VULAKA! . . . ? . . .

²⁴⁰ Oho, Pentekosta, lawulani vutomi bya n'wina. Balekelani timhondzo ta altari mi tlhela mi rila, wu nga se hundza nkarhi, hikuva wa ta nkarhi laha mi nga ta rila nakona a swi nga ha pfuni nchumu. Hikuva Esau u ehlekete ku kuma ndhawu, ya timfanelo ta yena to tswariwa, kutani a nga yi kumanga. Ndza ku boha, oho, California. Oho, khonivhexini ya Full Gospel Business Men, lava ndzi va rhandzaka, lava ndzi nga va siya niku tikarhatela, hi mbilu ya mina hinkwayo, ndzi mi yisa eka Yesu Kreste, vusiku lebyi. Balekelani eka Yena! Mi nga n'wi pfumeleli Javulosi a mi kufumeta mi suka eka Leswi. Ntshamani na Rona ku kondza mi, un'wana na un'wana, tatiwani hi Moya wo Kwetsima, hi vunyingi, hi wona wu nga ta mi endla mi ta e ka Rito leri, leri ri

nga ta mi endla mi va vavasati lava va tiyisisiweke, leri ri nga ta mi endla mi va vavanuna lava tiyisisiweke. Loko mi ku mi na Moya wo Kwetsima, kutani mi nga hlangani na Rito, i moya wun'wana lowu wu nga eka n'wina. Moya wa Xikwembu wu le Ritweni ra Xona, Mesiya, Rito ra ntoto. Mutekiwa u boheka ku va Ximesiya, Rito ra ntoto.

²⁴¹ A hi yimeni hi milenge ya hina, hi Vito ra Hosi Yesu Kreste. Loko mi nga ha ritwi rito ra mina nakambe. . . Kambe, hi ku rhandza ka Xikwembu, ndzi kongoma eAfrika, eka tiawara tintsongo. Swi nga ha endleka ndzi nga ha vuyi. A ndzi swi tivi. Kambe ndza mi byela, hi mbilu ya mina hinkwayo, ndzi mi byele Ntiyiso. A ndzi va nga na tingana eka n'wina ku hlambanya hinkwaswo leswi Xikwembu xi nga ndzi byela leswaku ndzi swivula. Kutani ndzi Swi vurile hi Vito ra Hosi.

²⁴² I xinkadyana xa xichavo. A ndzi switivi leswaku ndzi nga swivula njhani. Ndzi ringetile kusukela phulphiti ku ringana ka nharhu kumbe ka mune, kutani a ndzi swikoti. Leyi i awara ya xichavo. Mi nga swi rivali. Lowu i nkarhi lowu, kumbexani, Xikwembu kumbexani Xi vitana ro hetelela. A ndzi swi tivi. Xi ta endla ku vitana ka Xona ro hetelela, siku rin'wana. Rini? A ndzi switivi. Kambe ndza mi byela, ku ya hi xivono xexo, swi languteka tani hiloko Mutekiwa yaloye a ri ekusuhi niku hetiseka.

²⁴³ Langutani eka tikereke leti ti ngariki ta xidzi ti ngenaka. Loko vanhwenyana lavo tlela va ta va tela Mafurha, u hlulekile ku Ri kuma. Mutekiwa u ngenile. Ku Vutliwa kuya ehenhla. "Loko va ya va ya xava Mafurha, Muteki a fika."

²⁴⁴ Mi etlele xana? Pfukani, hi ku hatlisa, kutani mi vuya eka vun'wina. Kutani a hi khongeleni, un'wana na un'wana, kukotisa loko hi fa eka minete leyi, hi Vito ra Hosi. A hi, un'wana na un'wana, khongelani hi ndlela leyi yi nga ya n'wina.

²⁴⁵ Xikwembu xa matimba Hinkwawo, vana ni tintswalo ehenhleri ka hina. Hosi, vana ni tintswalo eka mina. Vana ni tintswalo eka hina hinkwerhu. Hi swihi swa kahle swi swi endlaka, a swi na mhaka ni leswaku hi endlaka yini, loko hi hluleka eka swilo leswi? Ndza yima ndzi kombela tintswalo, O Xikwembu, doroba leri lerikulu ri nga se mbombomela ri ya etshakwini ra lwandle na ku avanyisa ka Xikwembu ku kukula ribuwa leri. Ndza khongela, Xikwembu, leswaku U ta vitana Mutekiwa wa Wena. Ndzi va tisa eka Wena sweswi, hi Vito ra Yesu Kreste. Amen.



KUHLAWURIWA KAMUTEKIWA TSO65-0429E
(The Choosing Of A Bride)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Wavumune ni madyambu hi Dzivamusoko 29, 1965, eka nhlengeletano ya Full Gospel Business Men's Fellowship International eBiltmore Hotel, eLos Angeles, California, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpfumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangelu ya Yesu Krete. Buku leyi a yi xavisiwi, yi humesiwa hi xikalo lexikulu, yi vakeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org